

地理志

增修華亭縣志
卷壹

中華民國十八年八月
廿二年五月
開始編輯
告成付印

華亭縣志



甘肅武山張次房題

民國癸酉秋九月印

增修華亭縣志首卷

序言

銜名

凡例

編目錄

華亭縣全圖

城市圖

一區分圖

二區分圖

三區分圖

華亭縣志

卷

一

目錄

二

四區分圖

山脉圖

水道圖

張序

我甘不幸自民十四以還干戈撓攘災禍紛沓壯者散於四方
老者僵於道路哀鴻遍野慘不忍言是以方志事宜概多擱置
未舉深堪慨惜今年春^予來蒞斯土索讀舊有縣志殊多闕如
正欲拾遺補闕繼志前賢適承友人張鴻汀先生來函以勸修
新志為囑於是集賢研討議決組織縣志審查委員會將幸邦
隆先生編纂之縣志補正刊行以垂久遠越月審查完竣披閱
內容分門別類纂錄詳實至其文筆之雅潔猶其餘事^予欽而
樂之故於經濟萬艱之中籌資付印以成其美舉云時民國二
十一年八月十八日張次房序於華亭縣政府

李序

張令芸菁由化平調署華亭之時正土匪數千猖獗之際接篆伊始搜閱舊志披覽輿圖考查形勢謀籌戰守茫無所得喟然嘆曰吾不意儀州名都處此文化進步之世志乘尚如此之疎漏俾來鎮是邦者將何以資考鏡而施治化哉遂於戎馬倉皇之間為督修縣志計徧訪紳耆欲得一學識優良秉公無私者委員編輯之任地方人士僉以幸中和君留心採訪有年卒以錄印無款未遑把筆薦芸菁召幸君協商謙辭至再託難勝任己已仲夏省政府特立通志館明令各縣修志統限八月朔設局開纂幸君時長教局省委以通志副採訪義不獲辭縣委以

華亭縣志

卷一

序言

四

縣志總編輯義安敢辭究其所以謙而又辭者要不過慮錄印之無的款耳僉曰張令芸菁誓負籌款之責量不食言勸中和君為桑梓計勉為其難中和君喜遂承諾之且曰張令芸菁既樂籌款以備錄印隆亦不願受薪以輕民負華亭縣志乃於是乎成僉曰華亭縣志之成非編輯之難實籌款之難非籌款之難實籌款而無賢令督修之難編輯之不索薪尤為難之又難矣易曰后以財成天地之道相輔天地之宜以左右民財之為用固大余不禁欣然嘆曰有財而能節用其收效也為尤大庚午元月朔崇信任海珊君玉成其美介紹優良梓工張令芸菁即允籌款六百元擬印二百部以廣流傳幸君又格外鄭重未

敢自信其體例之完善請呈省通志館校正再付排印總之華
亭文獻一經閱校定能放異彩於當世財成及編輯之功顧不
偉哉謹筆之序

華亭縣黨部訓練部長詩齋李興周撰

中華民國十九年庚午元月十日

王序

老子云太上立德其次立言其次立功纂修縣志為德言功兼立之事任是責者必負有史才具有史識富有史學荷有史權而後可以秉史筆記史事紹舊史於往古勗新史於來今反是則鮮有不玷且妄者吾華幸中和先生掌理學務己巳仲夏省界以通志採訪之任縣委以方志編輯之責先生上不負省局之託下不辭鄉土之勞可謂荷有史權矣心無暇晷目不交睫手弗停披口未絕吟旁徵遠引廣詢博訪可謂富有史學矣燭古照今達中通外應時觀變聆音察理可謂具有史識矣辨性攷質目張綱舉彰善瘴惡閑道衛德可謂負有史才矣先生以

華亭縣志

卷一

序言

六

才識學權兼備之身擔負省志採訪縣志編修之任宜乎不匝月而省務竣不朞年而縣務蕝謂之立功誰曰不當一手撰著拾編告成搜羅無遺文獻有徵謂之立言誰曰不可勞不取酌病不休養公不校怨善不遺揚謂之立德誰曰不中竊嘗檢閱新志總覽輿圖觀其結構之精密屬詞之審慎尤復歸納新舊包羅理氣讀之不但可以知掌故悉沿革並且可以明政教究世變正人心維風俗矣余冒昧不揣擷序數言聊祝信史之成願同志其鑒諒不文焉可

華亭第一中山高級小學校校長王化行撰

中華民國十九年元月九日

潘序

縣有志猶國有史若晉曰乘楚曰檮杌魯曰春秋名雖不同其義則一故省有省志縣有縣志修之者創于始續之者繼于後非有碩學鴻儒不敢妄陳一詞我華縣志創始者擅其美續編者乏其人經數十年來其間軼事古跡竟棄之如遺良深浩嘆有幸君中和者素飽經史博通中外新舊學均稱大家出而擔當此任分類逐條一一編纂兼之張芸菁縣長宏通淹貫識卓見高誠當代循良與幸君同志更易成功功成後同人增序者多余忝列士林謹勉贅數言以示慶

華亭縣第一完全女子小學校校長潘偉觀撰

中華民國十九年元月九日

王序

志為記事之書修志之要尚實忌虛尚詳忌略尚公忌私尚整
忌雜尚潔忌穢竊讀幸中和先生之作提綱挈領因事撮要簡
當得體可謂知五尚明五忌不負修志之責矣然二難不去則
九仍必虧雖才具班馬學富江沈勢必繫等匏瓜腐同草木焉
能成信史於一時流芳名於百世哉二難者何曰時曰財是也
生不逢時財不應事古今著作不知湮沒多少先生學兼中西
識晰治亂處五千年大變之會當九萬里交通之際言國政則
恰逢君民遞嬗言學術則正置教派爭鳴言治化風俗則又遇
民權勃興社會改進過去之事實悉為將來之歷史及今不記

華亭縣志

卷一

序言

八

此後何徵况又有省府之督修縣長之籌款財時二難均可破
除先生奉令出其所學不憚勞苦編纂成帙隨付印以垂永久
使華亭得有文獻之徵俾隣省隣封亦得有參考之資先生可
謂時至名歸無愧所學有功桑梓矣豈可以僭妄比之哉故援
筆而為之序

華亭第一中山學校校長王誥撰

中華民國十九年元月十日

陸序

竊攷志乘之書必間世而一成其成也則一縣之形勝以及礦產森林農田水利風俗習慣政治教育實業生活與夫世運之變遷疆域之沿革先賢之勲業歷代之掌故莫不賴以昭明則志乘關係之重大豈淺鮮哉然纂修者非碩學鴻儒特具史識之才鮮克勝任此志乘之所以不易成也究其所以成者尤必採訪有人編纂有人校正有人籌款有人非得多人之力費數年之功持之以恆何克觀厥成功三鄉幸中和先生博覽經史旁通百家且於中西學術莫不探索蘊奧深慨桑梓文獻殘缺故以修志自任於是廣詢博訪苦心孤詣歷十餘年乃得張芸

菁縣長之貲助舉多數人之力所不能辦者而先生以一身任之補闕拾遺卒成一邑之文獻未嘗受公家錙銖之酬其廉德其忠功顧可沒哉今觀全書其取材也富其分類也明體例嚴整記載詳備而於社會國家之要尤三致意焉俾後之人披覽之餘了如指掌並且詳土壤以導農產標礦物以示地利倡教肅以開文化揚忠孝以勵風俗兼為華亭之新建設開一大先河是書之成則謂之地方之史冊也可謂之建設之新書也亦無不可是為之序

華亭一高教務主任武威雲程陸霄漢撰

中華民國十九年元月十日

尚序

嘗觀國之有史縣之有志家之有譜人之有傳其範圍雖有不
同切究其理則一也何則夫國若無史則古今治亂之由文事
武備之制與夫國運之盛衰政體之因革民族之隆替疆域之
廣狹利弊之興除外交之得失以及聖賢豪傑之事功工藝商
業之優劣勢必無考縣若無志則歷朝之隸屬區劃之大小人
材之多寡社會之良否風俗之美惡戶口之增減物產之盈絀
以及山林川澤之利益名勝古蹟之重要勢必無稽至若家無
譜牒則宗派亂人無傳記則善惡混固與史志有同樣之關係
此縣志之所以必須纂修也我華舊志原無棊板同治回亂遺

華亭縣志

卷一

序言

十

失殆盡聞之父老安輯而還於破瓦窰中拾得錄本歷八九年
之蛀溼多半缺而不完畧而不詳六十年來相傳僅此一卷斷
濫棄紙耳我華文獻豈不痛哉民國六年省令各縣編修志乘
雖經前鄭嘯崖縣長之熱忱一再照會督促卒以無款遷延未
曾著手今張芸菁縣長接篆銳意提倡任籌梓金委教育局長
幸中和君為總編輯先生不惜心血或倩人採訪或隨事咨詢
或躬親調查或博搜考據窮源溯流務期真確補闕拾遺力求
精詳四月繼晷拾編告成較之舊志煥然改觀余披讀之下見
其首志地理一編尤覺生面別開益人神智其他九編皆綱舉
目張條分縷晰足見學富心細知識眼光有獨到者我華得此

完璧庶幾地方已見已聞及未知未悉者均不至湮沒而無彰
其有造我華之功豈淺鮮哉惟念幸君有顯微闡幽之舉固畧
贅數言以表幸君關心桑梓之誠並為後之關心桑梓者勸是
為序

華亭縣教育會常務委員尚政全撰

中華民國十九年元月十二日

杜序

縣志之修由來尚矣幸中和公修華亭縣志脫稿見示余竊思此志提倡者為前令鄭嘯崖貲助者為現今張芸菁增序者為陸雲程王美軒潘杰三及其他諸名士皆當代富機雲之詞藻懷班馬之文章者也棣不學無術然於提倡之雅意編輯之苦心何敢不勉為其難以慶督纂告成之功祝先賢有徵之榮哉又况當今之世人工進而為機械君權墜而為民權中山主義猶以民生衣食住行四大要需為原則一般志士皆借已往以推將來或考礦產而謀利源之開採或察土宜而籌農稼之改良凡此種種莫不皆賴文獻之有徵方有入手之辦法詎料舉華

亭歷代之沿革政治之隆污及已往之官師人傑故有之山脉河流詢諸邑士半皆瞠目結舌一辭莫答豈地方人士之盡愚乎實由無志乘以資考核也粵稽舊志剏於前明續於有清固不得謂之無志奈僅具畧錄並無叢刊潛藏搢紳之家難經普通之目鄉土之要何能盡悉是以有志若無志耳况康乾迄今猶多待記之事乎改革以後雖有重修之議而饑饉薦臻兵匪雲擾邑人常朝不顧夕誰尚能把蒙毫理蔡紙作傳世之業哉惟中和公少負才名老存壯志不忍坐視邑事之湮沒先賢之淪亡處困苦顛連之世本彰善癉惡之旨補舊志之闕正舊志之誤詳舊志之略放國家世界之眼光揮儀州彈丸之史筆宜

乎其超越舊錄燦爛新邦矣又得張芸菁之貲助九仞一簣卒
付剗劂豈先賢有靈故有如是之奇遇乎噫余知中和公亦非
欲誇龍門之史才炫蓬萊之文章者也縣志之作蓋望他日之
來牧是邦者覽輿圖而明形勝察民族而施治化並知某也為
名宦某也為循良某也為貪官污吏俾步芳塵而勉為賢宰蓋
望地方之接踵興起者知某也祀鄉賢某也祀名宦某也祀忠
烈節孝俾得思世澤而奮作完人此固幸中和公修志之深意
亦即張芸菁公貲助之美意余不辭謏陋筆識之微意歟

華亭二區初級小學校總校長蔘生杜如棣識於自強書舍

中華民國十九年元月九日

張序

或曰幸中和先生非舞文之人余應之曰本非舞文之人或曰幸中和先生非沽名之士余應之曰本非沽名之士或曰幸中和先生不舞文不沽名今胡為乎修志勿乃近於舞近於沽不免為識者謂余應之曰志史事也大事也昔也不舞而今則勉為一舞非舞文也蓋不得已也志公道也人道也曩也不沽而此則畧為一沽非沽名也蓋弗獲辭也不得已而已之弗獲辭而辭之則我華數百年間之英雄豪傑忠臣孝子節婦烈女鄉賢名宦以及山川靈秀之所鐘鍾農礦動植之所產不但湮沒無聞勢必考據無徵先生必於是而一舞其文一沽其名不但先

華亭縣志

卷一

序言

十四

生之文名傳即華人之生者死者古者今者有一善可取而足為後人所矜式者莫不因先生之舞文而得傳其名即華物之飛者潛者動者植者有一益可用而足為世人所寶貴者亦莫不因先生之沽名而得顯其名或曰誠如爾言則先生之舞文沽名殆先生之善於用文善於成名者乎余應之曰是雖然尤未足以盡先生之長先生殆知兵之士歟

華亭縣二區學務委員玉軒張瑤林撰

中華民國十九年元月十五日

姜序

春雷一震而蟄虫驚曉鐘一扣而頑民醒史筆一揮而善惡彰三者之聲浪均非尋常音節可得而比擬之蓋將提撕驚覺大有造於民物也炳見三鄉幸中和君主管教局任編縣志用科學知識新文獻體裁自秋徂冬僅四越月而驟成大觀雖則採集有素設非眼光獨到才器特長安能辨性質於原委分類別於繁冗哉尤其最難能而為人所深服者在不因病而輟筆不為財而廢事不宿怨而棄公道不憚勞而遺事實立意俾華亭後學甘肅同志咸得有考獻徵文之資料其壯志雄心真能增色儀山流光汭水矣故聊書短序以記顛末云耳

華亭縣教育局第一科科长星若姜炳撰

中華民國十九年元月十二日

徐序

畫竹必胸有成竹解牛必目無全牛修志必心存壯志而後竹也牛也志也乃可畫之解之修之以奏成功我華幸中和先生立修志之洪願設不達成志之目的舉一生之所學能不浩嘆其辜負哉民國己巳夏省政府特立通志館明令各縣分設縣志局以促成省縣一代之信史先生時長教局責無旁貸豈非不負所學恰逢其時有志竟成之會乎然使印刷無資督修無人尤不足以臻美盛舉詎料張君芸菁主政是邦亦當代碩學熱心載籍慨負籌貲之責兩美俱備二心相印潤色宏業卒告成功不獨先生與芸菁之幸實華亭人士史乘有徵幽光煥發

華亭縣志

卷一

序言

十六

之大幸也姑序之以志快

華亭縣第一區硯峽鎮第一初級小學校校長徐步瀛撰

中華民國十九年元月七日

幸序

己巳之冬十一月念家伯新纂華亭縣志脫稿命仁作序小子不文何敢妄鼓唇舌有玷盛業但以家伯窮年累月力任鉅艱足資觀感未肯磨滅其苦衷特畧贅數語以昭實錄此仁所以不得不勉事把筆也粵稽華亭自隋置縣迄於民國已千數百載矣此其間政教之良窳風俗之厚薄民生之榮枯疆域之沿革以及社會之背景皆因文獻莫徵之故無可表見於世此家伯所為長太息者也清同治回匪亂後耆老凋謝田廬坵墟華亭掌故益湮沒無聞矣前雖經宿儒曹麒廣文趙先甲等之博訪周諮集有簡編然皆體例不完組織無方而於民生風土政

教之要類皆疎漏不詳至於山脉水道又復割裂零亂系統源流多有未備後之人欲周知地理往事之實豈不難哉民國肇造百端待興家伯深知欲考民族之興衰必徵諸戶口實業欲驗民風之醇澆必稽諸禮教文化於是慨然欲舉明清民國代謝治亂之故事編纂成書以明過渡而示將來遂於主講之暇旁徵遠引掇拾闕遺網羅典籍且於世運之變遷人事之因革分門記載或誅邪慝於既往或勵忠節於後起十餘年間居然蔚成巨帙公諸當世以資後人之考鏡並謀華亭之改良此其纂修之微意歟雖然新輯之人猶是草創尚望後起之士為之繼志而善其終相與並垂於不朽則幸甚矣謹序

華亭縣督學心全幸育仁撰

中華民國十九年元月十五日

華亭縣志

卷一

一

序言

十八

張序

縣志就是地方史比國史的範圍不過小些近代國史的體裁變了地方史的體裁也當要變

修志的人若不納民生問題來做歷史的中心便是無價的死史若不納民族競爭來做歷史的綱領便是泥古的舊史若不納民權消長來做歷史的因革便是專制的私史若不納物質進化來做歷史的資料便是無物的空史

西儒說歷史是過去的政治政治是現在的歷史這兩句話確是古今並重的我們修志若一謂是古非今詳古畧今高古卑今信古駁今則古者為古今者為今研究歷史的人皆是

華亭縣志

卷一

序言

十九

徒啻古人耽憂的人與今世國家的政治民生似乎莫大關係則史學一科有不有皆可故近來中國的史學家有重今詳今期與現代國家政治民生等有關係且有補益教史學一科成為有用的科學這種道理已為有識者所同認

幸中和君修華亭縣志脫去舊史的體裁演出新史的色彩處處古今對照把民族的競爭民權的消長民生的休戚物質的進化都歸納在一部地方史中概以道德包括起來這也是縣志裏頭罕見的了我看罷又歡喜又佩服所以才有這篇序言咧

省立第七師範學校畢業張書紳

中華民國二十一年八月二十五日

原序

唐顏師古曰志記也輯記其事也周禮春官小史掌邦國之志是志亦史事攷史職之設原於結繩肇自倉頡周秦之際始別國事曰史別郡縣事曰志漢司馬遷出又別帝王事曰本紀別宗族事曰譜別箇人事曰傳史志譜之範圍較之傳紀則甚廣以史為國別史志為地方史譜為族別史也竊稽泰東泰西如日本之大阪史希臘之雅典史斯巴達史雖與國史無異準之我國亦不過地方史之類耳華亭修志之人元以上雖不可考究之現行錄本實明嘉靖十四年鄉賢曹麒所修其結構多本趙浚谷之平涼志清順治間賢宰佟希堯重修於前乾隆時訓

華亭縣志

卷一

序言

二十

導趙先甲增訂於後咸豐時邑紳石元煦袁棟趙漢弼等校序於終華亭往事東鱗西爪不致湮沒者皆以上諸公之力也同治兵燹迄於民國外患日迫內亂不息事無記載歷久何徵民國六年余兩奉縣長鄭嘯崖照會聘編華亭新志惜鄭公擢陞天水提倡無人事竟擱置民國十八年夏省政府復頒各縣普修新志之令縣長張芸菁慨負校正籌款之責又委余充總編輯於是倡導有人印刷有資在教育局附設修志局委派薛壽松車迎賢劉廷乾等為採訪員八月一日從事把筆將有明迄今數百年來之事實補闕拾遺搜集編纂按朝代年月循序記錄迄至十一月終乃草成八編八十七目其體例之當否實則

未敢自信十九年春故將初稿郵呈省通志館祈賜斧正乃又得正副總纂楊公思張公維抽目增編附目歸類之法廿一年春始將正稿發回督令原編人整理並令張次房縣長籌款付印以促其成張縣長復邀邑哲徐君海屋尚君子平王君美軒柳君煥五張君績成及余堂姪育仁審察誤漏議將近三年之變事完全載入於是訂為十編以編繫目繁目附類並加總分輿圖於首官俸學校財政一覽各表於中俾閱者便於觀察深愧學識短淺冗鄙不文尚望後起同志再加潤色因時撮要逐目續載庶我華亭縣志日增完善而永無缺漏矣

總編輯邑三鄉居士中和幸邦隆

中華民國二十一年八月十五日

增修華亭縣志銜名錄

鑒定

甘肅省政府主席

劉郁芬

甘肅省政府主席

邵力子

甘肅省民政廳廳長

王禎

甘肅省民政廳廳長

林競

甘肅省教育廳廳長

鄭道儒

甘肅省教育廳廳長

水梓

甘肅省隴東綏靖司令

楊渠統

甘肅省涇原區視察員

趙露珍

華亭縣志

卷一

銜名

二十二

校正

甘肅省通志館通志

正 總纂 會 寧
副 臨 洮

楊 思
張 維

督修

六等嘉禾章署理華亭縣知事安徽英山

鄭震谷

署理華亭縣縣長福建閩侯

葉超

署理華亭縣縣長河南洛陽

張文泉

署理華亭縣縣長甘肅武山

張次房

署理華亭縣縣長陝西延川

高望之

署理華亭縣縣長四川南溪

董雲峰

總纂

甘肅優級師範學校選科博物科畢業邑人

幸邦隆

繪圖

甘肅隴東巡防馬隊第二營營長海原

馬長麟

縣立第一高級小學校圖畫教員

馬兆麟

甘肅陸軍小學畢業測量局繪圖

韓勤陞

勸校

清陝西直隸州州同崇信縣籍海珊

任瀛翰

清優廩生甘肅省議會議員邑人

尚政和

甘肅省立簡易師範學校畢業邑人

潘偉觀

甘肅省立第一師範學校本科畢業武威

陸霄漢

甘肅省立第二中學校修業邑人

姜炳

審察

清光緒己酉科拔貢候補直隸州州判邑人

徐延年

甘肅省立第二中學校畢業財政局長邑人

柳燧霞

清優廩生孝廉方正建設局長邑人

張樹勳

清光緒己酉科拔貢候補直隸州州判邑人

尚政治

甘肅省立第七師範學校畢業教育局長邑人

王化行

甘肅省立第一師範學校本科畢業邑人

幸育仁

採訪

甘肅省立第二中學校畢業邑人

薛壽松

前清靖遠縣儒學訓導邑人	潘大觀
前清循化階州教諭邑人	陳輔周
清廩貢生縣立女子小學校校長邑人	潘達觀
前清增生邑人	張問達
縣立中山第一高級小學校畢業	尚政齊
甘肅武備學校畢業全縣保衛團長邑人	徐 燕
縣立第一中山高級小學校畢業	車迎賢
縣立中山第一高級小學校畢業	劉廷乾
縣立中山第二高級小學校校長邑人	王 誥
縣立中山第一高級小學校畢業教育局收支員邑人	李興周

涇原區自治講習所畢業第二區學務委員邑人	張瑤林
縣立中山第一高級教員兼學監邑人	焦桐德
清歲貢生吏部候選分縣華亭縣縣督學邑人	姜輔周
縣立中山第一高級小學校畢業邑人	張鐘祥
甘肅省立第七師範學校畢業邑人	李樹周
主山鎮保衛團團長邑人	高存福
華亭商會會長邑人	李興魁
甘肅省立國語講習所畢業三區三初教員邑人	幸育德
縣立中山第一高級小學校畢業四區一初校長邑人	石 琇
甘肅省立第七師範學校講習科畢業一區一高教員邑人	幸育智

縣立中山第一高級小學校畢業硯峽一初校長邑人	徐步瀛
縣立中山第一高級小學校畢業柴坻一初校長邑人	孟九成
縣立中山第一高級小學校畢業新店一初校長邑人	楊興林
縣立中山第一高級小學校畢業一區二初校長邑人	張萬鈞
縣立中山第一高級小學校畢業三區一初校長邑人	王克變
前清歲貢生邑人	强文
甘肅省立自治講習所畢業三區助理員邑人	趙丕
甘肅省立第七師範學校畢業邑人	張書紳
安良鎮第一初級小學校教員邑人	郭維國
第二區區長邑人	石殿璽

紅山鎮縣立中山第二高級小學校教員邑人	劉瑞
一區農務會會長邑人	莊居敬
上關鎮第三初級小學校教員一高畢業邑人	趙文元
紅山鎮縣立第二高級小學校校長邑人	杜如棣
縣立第二高級小學校訓育主任邑人	張昔孚
前清附貢生邑人	杜啟楨
安良鎮學務委員邑人	禹鳳朝
禹淑翰	趙錦堂
山寨鎮初級小學校教員邑人	潘孔懿
甘肅省立第七師範學校畢業邑人	

甘肅隴東講武堂畢業邑人

徐是則

縣立中山第一高級小學校畢業邑人

張邦教

甘肅陸軍學校肄業隆德縣籍

謝作斌

甘肅省立第七師範學校畢業邑人

徐延齡

甘肅省立第七師範學校畢業邑人

幸邦榮

甘肅省立第二中學校畢業邑人

劉永慶

甘肅省立第七師範學校畢業邑人

袁琇

增修華亭縣志凡例

一地理舊志僅有山水名稱本編依甘肅通志地理調查表於山則詳其山系支脉高度長度於水則詳其發源經流長度方向森林湫泉景物則附之又在舊志位置沿革疆域外更增地質氣候古蹟諸目至物產一目名類繁多舊志另為一編余初稿從之今遵省通志館令併入地理志中面積形勢併入疆域目內金石名勝陵墓併入古蹟目內物產則謹依博物分類學礦植動生成之順序分類編輯用昭實錄並加化石及工藝物於後以明生存滅亡及地形變遷之原理不但為研究天文地文地質氣象博物考

古學者之助即華亭民生問題亦從此可以得解決之方

二建置有物質的有政治的有心理的物質的建置屬乎造作政治的建置屬乎設施心理的建置屬乎思想舊志祠祀田賦建置分為三編余初稿合物質政治心理三者更增二十九日以建置統之未免紛繁省通志館於建置一編指重物質抽政治建置另立政事一編棄心理建置而不用物質建置僅列城郭廨署壇廟區村道路關梁水利七目又併倉廩於廨署併鎮集堡寨於區村如此歸納余依法志之愈覺清簡

三政事孫總理謂政是衆人的事治是管理管理衆人的事第

一要有設施第二要有方法第三要有權能職官保甲驛郵兵防教育度量衡六者之設施實政事之最大者不有方法以資運用則設施等於具文不有權能以行方法則設施亦等於具文此政事所以首志職官而編首小序所以按華民性情而說明治理之方法俾來宰是邦者不致誤用其權能則省通志館令立政事志之意亦庶幾不虛四經濟舊志僅有田賦一項至當帖磨帖畜稅雖稍有提及而亦不甚詳本編遵省通志館令列田畝倉糧於首以重財源而裕荒政至地丁雜捐則分國家稅地方稅二類類各分述收入支出各項及開辦年月徵收手續民國與前清

比較增減解省留支額數以備整理財政者之考查即華民對於國家之擔負生活之難易亦從此可見

五禮俗包括民族著重民生攸關民治所含性量質量最多舊志混合性質畧述一段不無缺憾本編遵省通志館令以民族戶口方言生業文化五者為目民族目則附以性情宗教生業目則附以藝術文化目則附以衣食住行禮樂美術並以舊志所載證今日時勢之變遷政治之改革風俗之移易以表明當世進化之現象一洗從前譏刺之弊俾閱者知禮俗之美惡實由社會習慣所演成而社會習慣實由政治教育所甄陶絕非一成不變之模型物可比也

六災異為天時地理人事三者所釀成亢旱靈澇之災純乎天時者也虫害雹傷地震之災天時兼乎地理者也瘟疫雜異之災人事兼乎天時者也總之災異之發端實蘊蓄於地理建置政事經濟禮俗之中受之者則為人物是災異又縣境內一種特別之現象按年編志以資考證似為得宜七大事記寇戎也寇為賊戎為兵有賊即有兵兵以制賊寇以招戎古今之定例一縣雖小寇戎之禍或因國政所釀或受外夷所擾或為亂民所煽一旦暴發對於人民其破壞損失比之災異為更甚有時兵之禍國殃民較諸寇盜為尤甚華亭寇戎舊志記載獨少未免疎漏茲照省通志館

令另列大事志搜集前代可考之寇戎完全列入於民國則詳述之斷自二十二年癸酉秋止則君主民主國體之變更軍閥土匪之雲擾與夫國勢之颺搖民生之凋敝於此亦可見一斑

八名宦名宦何志志官師也志顯宦也官師顯宦何志明褒貶也褒貶何以明記政事也志名宦不寓褒貶則無異姓名册子記政事不重實錄則直等牢騷謗史均不免有顛倒是非混淆善惡之弊本編遵舊志體例依省令指示心存忠恕力主公道誓告天地敢昭實錄以示懲勸其彰善也無太過之譽其瘴惡也無甚苛之言秉筆者特書之當否

繼志者其修正焉可

九人物人物為山水靈秀所鍾官師教養所植華亭自秦入中國版圖二千年來所出之人物稽諸史冊舊志重見疊出指不勝屈茲依省通志館令分名將循良忠義鄉賢孝子節婦烈女選舉隱逸仙釋諸目志之則地理志之山川愈覺其生色

十藝文先儒云文能致道亦能載道華亭文藝從古不乏明家惜收輯無人棗印無資幾經兵火以致地方精華完全燬軼良深浩嘆今者廣尋博訪僅得已故二十四人之雜文一十五人之雜詩都為一編凡與華亭地理風俗政治文

化無大關係及生人之作從縣長高望之議概不採錄以免繁訾而便揀閱庶文運國學之變遷亦於是有徵而不墜省通志館核准排印真盛事也

增修華亭縣志編目錄

第一編

地理志

八目

位置

附分野
經緯度

沿革

疆域

附面積
形勢

山脈

附森
林

水道

附湫泉
景物

地質

附岩石
土壤

氣候

附風
雨

物產

分礦物植物動物
化石工藝物五類

古蹟

附金石名
勝陵墓

第二編

建置志

七目

城郭

廨署

附倉
廩

壇廟

附祠
寺

區村

附鎮集
堡寨

道路

關梁

水利

第三編

政事志

六目

職官

附胥
役

保甲

附團
練

驛郵

附電
話

兵防

教育

附書院義學科目學校學制
建築文體及創始經費各表

度量衡

第四編

經濟志

四目

田畝

倉糧

地丁

稅捐

附國家地方入出
經費及蠲賑表攷

第五編

禮俗志

五目

民族

附性情
宗教

戶口

方言

生業

附藝
術

文化

附衣食住行禮樂
美術嫁娶喪葬

華亭縣志

卷一 目錄

三十一

第六編

災異志

七目

亢旱

霖潦

雹災

虫害

地震

瘟疫

雜異

分類立說
按年總輯

第七編

大事志

用綱目體例
記歷代寇戎

第八編

名宦志

二目

外籍類

本籍類

第九編

人物志

十一目

名將

循良

儒林

忠義

鄉賢

孝子

節婦

烈女

選舉

隱逸

仙釋

第十編

藝文志

二目

文類

詩類

軼事

三則


志餘

四則

祝詞

四則

琴亭縣城市圖



公共體育場

琴亭縣第一小學

新城


曲門城

東門城

南門城




鄂亭縣三區分圖



- 縣界
 - 區界
 - 道路
 - 河流
 - 支流
 - ◎ 鎮
 - 村
 - ⌒ 壩
 - ⊙ 山
 - ⌘ 產煤處
 - ⊕ ⊖ 界
- 例圖

寧亨縣寺區分圖



- 省界
- 縣界
- 區界
- 道路
- 河流
- 支流
- 鎮
- 村
- 大山
- 支山
- 湖
- 山
- 藥產
- 戰場

例圖


琴亭縣四區分圖



- 界 縣
- 界 區
- 路 道
- 流 河
- 流 支
- ◎ 鎮
- 村
- 山 大
- 山 支
- 狀
- 湖 沼
- 山 崖

制圖 詳說

琴亭縣山脈圖



- 省界
- 縣界
- 大山
- 文山
- 縣城
- 鎮
- 產藥處
- 產煤處
- 戰場

圖例

增修華亭縣志

第一編地理志

近代科學名家以地理為一切之母又謂一切變而地理則眇變故志之編內所附諸目其結構多本舊志及天文地文地質氣象博物諸學決不敢立異說以惑衆

位置

舊志華亭位置案宿分野在營室之墟似誤今據尚政治考漢書秦地天官志云宏農固關以西燉黃酒泉金城以東皆屬東井輿鬼之宿謂一郡一縣應於星宿者甚微華亭秦地亦當在東井輿鬼之下縣城所在東北距河北省城三千四百九十里

華亭縣志

卷一

地理志 位置 沿革

三十一

西北距甘肅省城八百六十里北距平涼涇原區政府一百一十里據甘肅通志載華亭經緯度測算以北平觀象台為標經線起西經九度五十三分緯線入北極三十五度十八分三十秒低大興縣北緯一十四度三十六分三十秒春分秋分太陽高度日影離地平五十四度四十一分三十秒夏至太陽高度日影離地平七十八度十八分三十秒冬至太陽高度日影離地平三十一度十四分三十秒以二百里為一度計算現轄幅幘縱橫皆不滿一度

沿革

華亭在商末周初為盧國春秋時為戎那秦穆公時為義渠戎

地秦始皇時為朝那縣前屬北地郡後屬安定郡漢末迄晉為涇陽縣地皆屬安定郡南北朝實因之隋大業間始更名華亭縣前屬安定郡後改屬陝西隴州是為今名之起源未幾又更名倚縣隆德縣地均屬之唐垂拱二年則更名亭川縣神龍初復故太宗義寧二年則分華亭之南境屬隴州貞觀時則更置儀州未幾又廢州復縣仍屬隴州大厯中置義寧軍元和三年省縣併入汧源廣德元年吐蕃陷沒永泰中雖恢復之而東南之地則分屬神策軍矣後唐同光初改置義州後周顯德中復置華亭縣宋太平興國初以避諱復名儀州安化百泉二縣屬焉咸平中又以陝西鳳翔之崇信赤城二縣屬之東西之幅幘始大徽

宗熙甯間又改儀州為華亭縣與崇信赤城安化百泉四縣同屬渭州金易安化置化平縣與華亭同屬平涼郡元併百泉化平二縣於華亭仍屬渭州南北之幅幘始大後易宋渭州如金名曰平涼府自明及清華亭縣皆隸焉乾隆時知縣甘珠爾恤民徭役割瓦亭驛及十三堡隸固原州光緒初左文襄平定甘回則劃百泉西南與華亭以北故地另置化平廳割百泉東北故地屬平涼縣華亭南北之幅幘又小矣綜之華亭版圖自戎那人中國易名而為縣者七曰朝那曰華亭曰倚曰亭川曰安化曰百泉曰化平易名而為州者二曰儀州曰義州惟華亭之名則屢更屢復而與江蘇省松江府華亭縣治之名同民國定

省區縣三級之制廢州廳為縣更正重複名多改易而甘肅平涼所屬之華亭則因之未改云

疆域

附面積形勢

疆域由東柯家山起至北易家溝偏西止直達馬鋪嶺與平涼縣接界北由易家溝偏西起至西北後麥子坪止直達白岩河與化平縣接界又西則與隆德縣接界再西直達焦韓集則與靜寧縣秦安縣接界由西石橋兒至南秦家塬直達漳川則與清水縣接界由南秦家塬至上關鎮直達唐家河則與陝西隴縣接界由南上關鎮下關鎮至東牌坊嶺直達柯家山則與崇信縣接界綜計與華亭接界者為一省八縣疆域亦複雜矣

華亭縣志

卷一

地理志 沿革 疆域

三十四

面積 縣治截長補短南北縱約百里東西橫約百六十里計里開方面積約一萬六千餘方里

形勢 華亭地形西北西南極寬東北東南漸狹而尖緣邊皆凸凹不齊恰似伏地之蛙西北則為臀部而東南則其頭部也地勢西北較東南低地高七千二百尺西北則以小隴山為屏東則以高山唐帽山為障北則衛以馬鋪王馬斷萬諸山南則維以雷神早陽龍門景福湯房樓房清涼諸山西登蝦蟇嶺作鳥瞰觀但見四面皆高山環繞東北東南二角高山各開小口如門域內山脈雖多均低下不及如羣蟻附氈實為山中之一小盆地

山脈

附森林

舊志山海西山經云數曆山之西百五十里有高山又曰老山考唐元和志華亭縣西四十里有小隴山其來脈北接須彌南連汧隴其長度約四百餘里其極峯高度約一千七百五十餘丈為域內諸山之鼻祖甘陝分界之關險

域內諸山由西北小隴山發脈迤向東南者共分四大支一曰朝那山脈二曰皇甫山脈三曰雙鳳山脈四曰三鄉山脈又有四小支曰晶然山曰望仙山曰雙噶山曰八狼山此外北維與平涼分界之馬舖山脈南維與隴崇分界之汧隴山脈昔皆為華亭屬地今則雖非域內所管轄弗述則形勢不明故略序

之

小隴山向北蜿蜒於安良鎮者有大線子嶺二線子嶺二小支向西蜿蜒於主山鎮者有照雨山松樹嶺湫頭山魏家山分水嶺四屏山六小支向西南蜿蜒於蔴菴鎮者有蒲塘山趙家山大靚山三小支
朝那山脈起西小隴山東之寇蓋山東迤至山寨鎮為紅崖山木頭嶺筆架山再東迤至龍蟒寺分為北南二支北支至柴底鎮街西而終南支又東迤為柴坻山雨亭山朝那山翠峯山紅土山雨山至石堡山而終其長約九十八里其極峯高度三百六十五丈

皇甫山脈起西小隴山東五台山之青石崖發脈處最低蜿蜒向東逐漸高壯至李家塬分南北二支北支為萬子山爛柯山南支為齊山皇甫山至縣城西北華尖山而終其長度約四十餘里其極峯高度約三百二十四丈

雙鳳山脈起西小隴山東杏樹嘴溝南吳家山發脈處為小土阜勢極平垣迤至鄧家塬東逐漸雄壯為土峰山雙鳳山湫龍山王母山豐台山武村山儀山邱爺嶺西峯山至安口峴風台山而終其長度約八十二里其極峯高度約四百二十五丈三鄉山脈起西水碾峽東之杜家嶺蜿蜒向東分為三支稍南一支為上關之桃花山稍北一支為埭坎山下虎山再北一支迤

為范家嶺至太極原而終東迤一支為王家山樺嶺山來往山至牌坊嶺又分為二支東南一支發起為孫家山至周家寨西而終東北一支發雄為高山水泉嶺黑溝嶺五龍山唐帽山至崇信縣城南為錦屏山又東迤為涇川靈台之界山至陝西長武西合川坪而終其長度約二百六十餘里其極峯高度約七百四十六丈

北維山脈起西北小隴山之苟家山東迤至白石崖分為二支北支發雄為大統山虎狼山南支發雄為牡丹山飛鳳山馬鋪嶺王馬山斷萬山柯家山黃土司原又東則為涇川之山脈至王母山而終其長度約三百餘里其極峯高度約九百三十餘丈

南維山脈起隴縣之湯房嶺北迤東折分為北中南三支北支為安家山石櫃山雷神山南支為樓房山清涼山為峯最高中支為楊嶺白岩嶺馮山侯家嶺再東迤即為靈台良原之山脈至陝西乾縣而終其長度約五百餘里其極峯高度約九百四十丈

小隴山東迤四小支脈一曰望仙山起於大嶺山迤至馬峽鎮南養馬寺而終其長度約二十五里其極峯高度約三十五丈二曰大嶺山脈起於柳家山迤至馬峽鎮街西申溝而終其長度約一十八里其極峯高度約一十五丈三曰雙噶噠山脈起於紅崖山之大山坡在山寨鎮境內分四小支俱向東迤內一

支至新店鎮街西而終其長度約三十餘里其極峯高度約五十餘丈四曰八狼山起安良鎮西北之尖山東迤至安良鎮北而終其長度約二十餘丈其極峯高度約四十餘丈

小隴山西迤之五小支脈皆在主山鎮境內一曰照雨山起西石廟山西迤至陳家灣李家灣入靜甯縣境而終其長度約十五里其極峯高度約四十餘丈此山所分小支極多皆長短差叅終於店子峽二曰松樹嶺亦起於石廟山西迤入靜甯境內而終其長度約十五里其極峯高度約八十丈三曰湫頭山起於筭頭山之背終於主山鎮之西其長度約十五里其極峯高度約八百一十丈四曰魏家山起於蝦蟆嶺西分二支短者終

於主山鎮南境土堡山長者西迤入靜寧縣境其長度約十五里其極峯高度約一百丈五曰四屏山為小隴山西之分支起於鄧家崖終於主林寺奇峯秀嶺佳木異草皆此山脈所發育其長度約十五里其極峯高度約七百二十餘丈小隴山西南之三小支脈皆在蔴菴鎮境內一曰趙家山起於大灣裏迤向西南終於廟兒灘其長度約十五里其極峯高度約一千一百二十丈二曰大靚山為石廟山南之分支起於石廟子梁迤於東南終於隴縣固關黑溝門其長度約四十餘里其極峯高度約一千二百六十丈三曰蒲塘山為蓮花台南之分支起於碾盤嶺迤向東南終於三角城其長度約二十五里

其極峯高度約八百餘丈

考城內山脈之成因由火成石之溶溜質冷縐而成者十之四由水成石之砂土質澱壓而成者十之三由砂礫灰石黃土腐植土堆積而成者十之三堆積之山每因水蝕而變形

森林 華亭地多山谷最宜種樹居民不為遠計懶於栽植皆取小隴山天然林之木材售用今則斫伐將盡四區之中欲求一人造林則無之歷年長官雖提倡栽植卒因保護不嚴新株入冬非遭庸衆拔折即被牲畜咬傷鮮有存活而無成效人民遂從此視種樹為具文矣

華亭之水統名汭水發源地皆在小隴山其正派向東流者五其支派向南流者三向西流者四向北流者一其向東流者為正派一曰柴坻川水在縣治極北二曰九龍川水三曰仙姑川水在縣城南北四曰武村川水在雙鳳山脈之南五曰遠門川水在三鄉山脈之南其向南流者為支派一曰上關之秀水二曰三角川水三曰燕麥河水其向西流者亦為支派一曰店子峽水二曰雲崖河水三曰黑崖河水四曰畧陽川水其向北流者亦為支派曰二龍王河柴坻川水源分四支一支

發源於安良鎮西之小隴山流入石嘴川一支發源於鎮西之瓦窰溝端溝韓店溝此三溝之水會於希賢村由街西北下流一支發源於車溝水磨溝會於散庄子流向東南峽口與上二支會一支發源山寨中嘴溝向東北流出野狐峽經楊家大庄東流與上三支流及新店鎮北溝南流之水會於三岔河東流出石峯峽至柴底鎮有大小南峪之水由南北流二十餘里至蛟龍寺前與南八王溝蟒丈溝之水會向東北流入柴坻河又東流數里有北易家溝沈家溝之水亦南流來會其水始大再東流出柴坻坡峽即易名為韓家河再東流至石堡山下與縣城南北汭之合流相會再東流即為洗底河會北土谷峪之水

至牛心山西南流東折入五龍山峽其流長度約九十餘里九龍川水源分四支一支發源於孟家台一支發源於安子裏二水東流會於馬峽鎮西街口一支為景兒坪水發源於冠蓋山之黑爺溝東流二十餘里至馬峽街陽與上二水會一支為養馬灘水發源於小隴山東之車廠溝東流北折至馬峽東街口與上東流諸水會再東流出馬嘴峽北白草峪南張天河之水亦東流來會而洋洋洒洒經九龍川繞縣城北山之陽折向東南流至雨山之下即與縣南汭相會其流長約六十里仙姑川水源分三支一支發源於石甕峽西窩溝一支發源於寺溝均東流會於紅崖河一支發源於西華觀繞仙姑山北而

東流與紅崖河之水會又東流北有齊溝之水南有湫龍山溝良石溝隴州溝水俱以次來會滔滔汨汨繞縣城南山之陰直向東流至儀山之下則與九龍川水會而為一定名曰汭流入雨儀峽東至石堡山下則與柴底川水會而為一其流長約六十餘里武村川水源分四支一支發源於西杏樹嘴溝一支發源於西陽關溝一支發源於西木賊溝一支發源於西南磨坪川皆流至什字路會而為一經蕭家峽渟為多數之碧潭過青林觀東流北折南轉繞出太極原又東經吳家堡武村堡繞蒲家庄八里廟駱駝頂南有小王家溝之水北有馬蘭渠之水次第來會至見子崖向東北折流繞紅山鎮西楊家溝之水又東流

來會經安口峴陽流至牛心山下即與峴陰之洸底河滙而為一東流入五龍山峽銀浪噴激湍流五里經過臨汭堡即為崇信川水至涇川縣王母山東而入涇其流長約二百餘里遠門川水源分二支一支發源於陳家河一支發源於劉家溝流至王家山下即會而為一東流五六里南有曹子溝之水北流來會又東流五六里北有三岔河之水南流來會再東流至下關街南西南有土窰川水石窰川水向家河水東流來會即易名為盤口河再東流南會九峪泥峪之水北會深峪對峪龍峪之水繞良原橫渠靈台易名為澆溪水至宜祿而入涇其流長約二百七十餘里

向南流之秀水源分二支一支發源於水碾峽一支發源於王家溝均南流會於小川子由上關街西南流入香積川經龍門洞峽而出岔口子與固關河之水會其流長約四十餘里向南流之麻菴峽水發源於碾盤子溝向西南流出折而轉南為三角川水其流長約三十餘里向南流之燕麥河水發源於蓮花台峽大洞溝小洞溝長溝西流南折與大窩舖之水會而為一經蒲塘山大靚山間南流三十里與三角川水會下流會牛圈溝石城溝黑溝之水而為唐家河再南流會紅椿木溝之水而為固關河其流長約七十餘里向西流之店子峽水發源於鄧家崖溝西流二十里到主林寺

北而與寺南之水會
雲崖河水發源於沙坡子向西北流十餘里與高窰溝之水會
流至主林寺南與店子峽之水會西流三四里而入靜甯縣界
之沸溝門黑崖河水發源於山陝林西流二十里經照兩川而
入靜甯縣界之張棉驛略陽川水發源於松樹嶺南向西流二
十餘里繞清水秦安縣界北流入靜甯縣境與隴水相合
二龍王河水發源於笄頭山下北流至化平縣南名白岩河東
折流出炭家峽崆峒峽而為涇
城內諸水向東南流者河身皆西高東低北高南低向西流者
河身皆東高西低向北流者河身皆南高北低一發暴雨則洪

濤泛漲水高丈餘湍流峻急淹刷岸田雨後數時則涸可立待
亦地勢使然也

以上諸河水勢以柴底川水為最大九龍川水次之仙姑川水
武村川水遠門川水又次之總之水勢之大小皆以發源之遠
近所會支流之多寡為判斷

湫泉 朝那湫黑龍湫二龍湫海龍湫觀音湫皆華亭著名之
靈湫朝那湫在縣西北七十里湫頭山中廣五十三畝六分成
簸箕形幽深莫測無出水口顏師古曰朝那湫水澄清不染塵
穢喧潮則興雲雨秦惠文王投詛楚文於湫即此崆峒志原州
志固原東西二海子與崇信縣志西北二里湫峪之湫皆名朝

那湫蓋以其地漢均屬朝那而言也黑龍湫在縣西北七十里湫頭山之北湫廣五畝水色青碧古時岩阿多松士人有黑湫烟樹之稱二龍湫在西北新店鎮殿川溝其湫有三成品字形下一湫大周約三丈上二湫小周約丈餘海龍湫在縣西南五里海龍洞三湫相連水深色清中通一橋非燈難入觀音湫在縣西二十五里觀音寺前寬廣方丈旱潦均不減洩每遇旱災居民祈禱數湫輒著靈異此外湧水為泉經冬不冰含有金石質其味甘冽足資飲料者隨地皆有總計不下數百泓云

附景物

唐塔壁立 塔在西門外唐開元時尉遲敬德監修高七級清

光緒三十三年南半壁崩塌今惟北半壁屹立每年春分有馬鷲來巢其上旋鳴不已秋分後乃去

華尖曠觀 華尖山在縣城西北為皇甫山終峯登臨其上南北兩川村落馬峽仙姑風景龍鳳雨儀山峽皆在目中令人胸襟豁然

紅窟燕語 紅山古窰上聳孤峯下臨汭水怪石參差細草茵褥可倚可坐窰中小燕唧唧飛鳴引隨往還自晨至晚絡繹不絕人游其地耳目俱快

碧潭魚躍 縣城之外南北汭水流近東峽合為深潭碧波迴旋青崖聳翠春暝魚躍游賞其地頗饒興趣

牛心鎖汭 壑頭鎮東峽有牛心山巍然秀起樹木葱蘢壅塞
汭流不見出口令人遙觀頓增疑慮
馬嘴吐波 馬峽鎮東十里有馬峽口如馬嘴開張上顎宛然
峽中亂石狼藉北汭奔騰衝出有吞吐波濤之狀亦奇觀也
銀魚戲水 車廠溝水流出養馬灘與馬峽川北汭相會處生
一大白石長二丈許寬七八尺形肖銀魚頭尾胸鱗一切俱
備紅綠脉紋牽布徧體仔細觀之真有迎水浮游之勢
石龍渡江 壑頭鎮牛心山下有石棱如龍前隆起者似頭後
凹伏者若頸兩旁怪石羅列者類足汭水西來繞龍腹龍頭
南折而東流自遠望之直俱蜿蜒過江之勢

伏牛望月 馬嘴峽西數里有一大連山石突河水邊其形儼
似伏牛頭嘴耳角俱全回頭眺望之山隆起一大圓峯渾如
月形景亦頗佳

飛龍攫珠 主山鎮雲崖寺有石聳起如珠對面一山如天龍
飛來伸兩爪攫取寺珠其形森動活潑令人望而生畏

睡佛展足 三區尚武村北山在南卧牛山望之形成睡佛右
足盤屈左足伸展右手捻珠左手曲枕腹臍袒如畢肖乃爾
太公釣魚 二區東峽南岳園山形成一大鯉魚頭西尾東活
潑如生河北之礮台嶺似太公危坐嶺前右邊有小石峯聳
起峯頂生古楊一株恰肖釣竿峯下怪石猙獰直似狼藉之

釣餌嶺左之尚家原無異仰置之太魚籃嶺右之土窰山無異覆放一大斗笠遠而望之景亦奇絕

蒲塘七畝 塘在麻庵鎮蒲塘山下其形橢圓如卵大約七畝蒲葦叢生四周正中水深二尋色現藍綠不洩不減無異山中大湖泊東南北三面山農環居七夕中秋塘波映月水天一色清趣宜人

桃峯三疊 峯在窰頭鎮東峽牛心山後突然聳起相疊為三疎林圍繞巍然蔚然洵稱奇觀

高山霧帶 紅山鎮春夏秋三時清晨多霧飯後即散惟高山周圍留霧一道寬不盈丈形宛如帶環繞山腰至午始散亦

具奇觀

清泉柳陰 紅山河南有泉泉周三丈有奇泉水汪洋浩瀚泉上大柳二株狀皆五六圍抱中桿凹凸螺旋底根盤紆虬纏枝葉垂陰數畝見者靡不驚異

隴澗瀑布 縣城之南有隴澗澗水由南流北中經一大石坎高約丈餘滴成瀑布水力冲坎下砂澗為潭其聲礫礫如彈琴然頗有清音

風洞寒凝 山寨鎮西南有風洞山其山有洞由地直上口大如釜深不可測時吹寒風人不敢近洞周數丈被受陰冷草木不生易地風升之卦理信不誣也

徵驗水 北汭在馬嘴峽以上有課晴問雨之奇土人聞水聲
向上鳴行者知必天晴聞水聲向下鳴行者知必天雨靈應
不爽

劍光峽 馬峽鎮東北劉家峽有古劍一口常夜出發光飛舞
空際劍長丈餘靶鞘宛然劍光出時人爭觀之非南落萬子
山半腰即北落靈湫寺水泉此光若出必有兵事

陰陽崖 在紅山鎮南三里許東為陰崖西為陽崖陰崖低而
陽崖高陰崖生陰器陽崖生陽器兩兩相對中隔汭水獨具
奇觀

鞦韆架 在主山鎮中台寺西其峯如架無異鞦韆之二柱其

險也如彼其奇也如此

駱駝頂 紅山鎮見子河南有山形似駱駝舒頂伸頭飲水河
畔因以為名

蝦蟇嶺 在縣西小隴山巔遊蓮花台即過其處嶺頭大石嶙
峴起者伏者皆類蝦蟇其頭向南其臀向北道士謂食於南
方洩於北方或亦想當然語未必果有其事也

天生碑 馬嘴峽上大路之南有山崖一座長數百丈高數十
丈正中有天生石碑一座高三四丈寬丈餘厚四五尺正面
看之似碑左右觀之如塔左側一石蹲坐如虎右側一石抱
桃如猴碑下石礮節節有洞酷肖碑坐石坐之上石茶細草

生焉如此美景無鐫字以事點綴者未免可惜

預兆石 馬峽鎮北街東口有一大白石突然卓立高約丈餘
周五六圍大其上紅絲密布絲色鮮潤穀畜豐旺絲色隱暗
地方災祲否泰之理此石知之冥頑殆亦有靈歟

佛爺崖 紅山鎮見子河西北山窪間有一大方形崖窟明時
土人於崖窟間塑繪佛像今佛像雖毀淪為鴿居其高古之
狀亦足供人游賞

仙人頭 主山鎮中台寺有石峯聳起儼如仙人其峯頂如頭
星冠羽衣自遠望之頗具飄然而來之勢景甚奇特

野狐峽 峽在山寨鎮東峽之南壁峭拔五十丈崖壁間有古

洞十餘大者深四五丈寬一二丈小者深二三丈寬七八尺
每遇匪亂人多避難於此因名之曰安生洞洞之上下且有
籐蘿樹木之圍繞山花野草之點綴奇石奔流之壯觀不意
幽峽峭壁間乃有如是佳境相傳石洞昔有狐仙居之曾以
丹渡人而去未知確否

金牛池 為主山鎮中台寺一大奇景其池廣約數畝峯間滴
水注之相傳池有金牛不時出沒於碧波蕩漾之中見者莫不
驚異池亦因之得名

天根崖 紅山鎮東峽二郎廟西南有崖峩然高起似魚口開
張崖之左右有峽林木蔚然崖之底根有台砌有石欄清嘉

慶道光同治間民避亂養畜石欄眷居崖上石欄之下泖水
潏繞涉泖盤桓而上彷彿若在半天空募工鐫字名之曰天
根崖

筆架山 起點在山寨鎮殿溝其來無根長約三四里中峯高
尖左右峯低圓形如筆架峯間大樹擬作擱筆情景宛然

朝陽洞 在上關桃花山清嘉慶逸士楊永祥郭文憲趙仲仁
等所鑿仲春山桃爛熳崖壁綠鳥紅雀飛鳴其間居是洞者
人擬羲皇上人下瞰市廛屋宇可數行踪瞭然游之足快心意
太極原 在三區珍林村後河武村川水由青林觀東流范家
嶺從西南迤至後河之西吊一小原折而北突西望阻塞川

水南流北折南環東出演成陰陽太極圖形古云河出圖洛
出書靜觀此地亦類是歟

素心亭 在城南葯王洞小西峯民國十七年秋縣長閩侯葉
超建其匾上跋文曰余忝握華篆一載於茲每值公餘恒偕
父老兄弟登臨把話互見素心近以庸愚乞罷分袂有日再
見何時爰作此亭聊誌不忘云爾今游葯王洞者登至小西
峯必憇此亭下作舒氣觀尤令人想見葉公點綴風景之素
心而傷隋時之華亭久不見於華尖山下得此亭以代之華
亭之名亦庶幾不虛名矣風景云乎哉

月窟崖 紅山鎮東峽岳園之東北有高七八十丈寬百餘丈

之懸崖下臨汭水上接雲表崖腰由西彎環繞向東北西建石門中闢石窩東障石稜民遇世亂避匪其間余以山崖背乾向巽定名為月窟崖鐫字壁上以增風景或亦世君子所深許也

地質

禹貢雍州之域厥土黃壤是殆就洪積世之新成土而言華亭此項新成之土其中多雜植物之腐質故上層色略帶黑且間有砂礫下層則色黃再下層則色赤或碧或灰黃土堆積之處有厚至十餘丈者其為水成岩之長石所風化或水蝕所沉澱蓋可知矣

據地質學而考華亭之岩石小隴山之下層純係火成石之溜溶岩蛇紋岩花崗岩片麻岩所縐成是皆太古時代初成之地盤所隆起者至水成石之黏板岩砂岩礫岩間層岩或為中古時代及近古時代洪水以後堆積沉澱地震埋壓而成者故其中多含有動植物之化石及煤礦

又考華亭諸山脈之水成岩中多發現洪積世前之赤土堊土又有紅土可以代丹白土可以代粉皆出二區高山之西堊土所在皆有可用以覆屋止水至風台山西之陶土則可作製瓷之主料即黑黝白黝紅黝白礮等亦不過陶土之類耳

黃土雜以新成之腐植土收水耐旱可為耕稼之上土砂土礫

土泄水畏旱為可耕稼之下土赤土雜以新成之腐植土多帶黏性為可耕稼之中土要之砂礫赤三土所含養料均甚少不及雜腐植質之黃土富有農作物之生長力也

氣候 附風雨

華亭氣候寒暖因地勢之高低多有不同盛夏東南低地溫度最高置攝氏寒暑表於空氣中足有九十度之熱量西北西南因地勢極高又有山風谷風之調劑盛夏溫度在攝氏寒暑表不過七十度至八十度隆冬則因四維多高山之故往往山風谷風受氣壓貫注各川每年冬至以後寒暑表則降至零度河冰堅結矣

考夏季麥熟之期東南各鎮通常在植樹節後九十日上下西北各鎮通常在植樹節後百日以上故同是一縣因地勢之高低麥熟期相差約略半月

以全年寒暑平均論之則多嚴寒而少酷暑又因氣候之變化往往夏四五月小隴山間有落雪之處民國九年地震之後西北西南與東南溫度比較夏季差不過十日麥熟期亦早數日或云地位似稍南移未知確否

風雨 華亭春夏多東南風秋冬多西北風每年三四月多旱而少雨入秋則霖雨甚多此為常候大旱則反是至暴風雷雨霖雨歷年遇空氣變化亦間有之均詳述災異志

中茲故從畧

物產 附礦物植物動物
化石工藝物五類

明趙浚谷志華謂貧民於農事之暇多獵獸皮或採漆木蜜蠟以博衣食可知上數物為明時產物之大宗今則西山之民多墾峽荒栽大黃歸芎等藥每年陝客來販總計所售不下五千擔紅山硯峽二鎮之煤除供本地燒用外平隴涇崇皆販運之每年所入亦甚巨而農作物之大宗則蔴為第一每年出境不下一萬擔窯頭鎮所燒之土瓷自秦虞闕父為周陶正創始製造迄今陝甘販運亦夥民國八年鎮紳汪振懋聘用河南瓷工陳群陽購買天津藍料創製半細瓷銷售亦頗發達至動植物

華亭縣志

卷一

氣候 物產

五十一

類舊志記載多畧而不詳且有其名而不知為何物者正指不甚屈新志凡本地所無者概行刪去所有者分類採入並詳加註釋於下俾閱者知其名稱並知其作用以為格物致知之助焉

礦物

金屬物類

金

硯峽鎮有金
沙然不甚多

銀

海龍山有銀
礦明時採之

銅

三角城有
唐時採之

鐵

三角城有唐時採之今窯鎮青龍山峽有尚無人採

酸化物類

石英砂

顆粒極小
各處皆有

白土

產窯鎮廟溝能粉壁
去衣油作沙瓷黝

紅土

窯鎮高山產者佳可
朱寺觀壁椽他處亦有

陶土

產高樓坡有鵝黃鴿子青少紅極白青土五種其中以鵝黃鴿子青最佳青土最次初出如石遇風水即酸化為泥

黑黝

產安口峴峽初出如石色黃撻碎碾之如泥

浸濾細汁敷瓷面燒之近火者即成有光之黑色
遠火者即成麻色再遠竟成黃色矣

白黝

產長溝初出如石色紅白上多苔蘚之花紋
實下等植物化石之一種同上製敷瓷面燒之

即成有光
之青白色

紅黝

初出色赤一名軟黝敷瓷面入
火燒之則成有光之紅色瓷

黃黝

俗名料礪石碾細敷瓷面燒之則成黃
色和寒水石則起裂紋

礮

產高樓坡廟溝亦有之色白無光敷
瓷面蓋以白黝燒之則色純白

砂土

產高山色青性散燒之純
白瓷窯用以襯粘

琉璃黝

分紅
黃綠

三種均以寒水石未為主成分寒水石和鉛及少許銅敷瓷面燒之則色綠寒水石和鉛及銅一半燒之則色紅寒水石和鉛及極少銅燒之則色黃然鉛銅作黝均湏入鍋炒過再和寒水石未其三種顏色之變態皆以黝料攙和之輕重為標準

硅酸鹽類 **長石** 為水成岩長方形之一種 酸化則變為泥土 **浮石** 面多孔而質輕 小隴山中有之 **礪石** 隨處有之 可以利用 **寒水石**

各處河中有之性涼可治 臟熱及作琉璃瓷黝料 **香灰石** 縣北河龐家磨產之形如香灰之股紐成色灰蓮花 台有白色者一種質較堅均可作書桌供玩

酸化鹽類 **方解石** 亦水成岩較硬之一種 酸化可以為土隨處有之 **硝石** 俗名硝土隨處有之 可製火硝

鹵化物類 **灰石** 隨處有之 可燒石灰 **綠泥石** 色綠河川皆有 無甚用處 **矸石** 亦灰石之一種 可作土瓷黃黝

硫化物類 **磷火石** 土產惟白色一種

有機物類 **黑炭** 產窰鎮硯峽鎮戚樹灣等處者最佳 火力極強而烟則最少可開鐵圍爐 **明炭** 產窰鎮硯峽鎮柴坨鎮火力強而多烟厨灶瓷窰用之

泥炭 俗名乾泥窰鎮產之 和以陶砂可製砂瓷 **煤渣** 明煤渣可和煤磚製砂瓷 黑煤渣可煨坑和磚亦宜

華亭煤炭開採創始年代及其人姓名雖無碑記可考據耆老

相傳二千年前已由一區硯峽鎮前山穿四洞由南向北平行開採深入十餘里以達後山繼知後山之煤優於前山乃陸續向後山開採前山亦未之或廢徃徃有穿入古代原洞者至今前後山尚暢旺未竭如大小豹子溝漆樹灣等處是也後經歷朝變亂採歇頻繼至明嘉靖間趙浚谷實近代之創始開採人至二區紅山鎮之煤炭初由麻脊溝開起漸移開於興隆寺前河灘現分為裏山前山二處裏山開採最早即高山黃蒿渠陰窪溝石溝渠麻脊溝陽窪台子等處是也前山為民國六年楊萬明張仲元創始開採即睿子窪蘭家溝棗刺窪馮家溝等處是也柴坨鎮之煤炭則為民國十八年孟九成提倡所開採姑

志之以備參考

植物

木材類

松

有馬松油松五
鬚松三種

柏

有扁柏刺柏梭
羅柏筆柏四種

杉

柏屬葉扁質
脆色常綠

樺

理堅細皮亮
薄可製雨帽

椴

形似白楊質堅
之皮可作繩履

槐

有康槐青槐二
種青者佳

楸

葉大如掌花筒狀色白質
堅細可製棺及器具

橡

俗名青桐葉大質
堅重而粗子可種

亦可食

桑

有湖桑火桑二種湖桑
左文襄移種今甚少

檉

桑之野者
有火楊水楊線楊三種

柳

有紅柳線柳沙
柳三種

棠

俗名
杜栗

書稱棠棣有赤白砂
三種果可藥用

粉

白榆花子如錢
皮可製香

樞

刺榆

櫟

音曆
榆屬

櫟

皮葉似椿汁可漆器
八月割取果可製蠟

栲

橫牽之木
可作弓

柞

櫟屬
有刺

櫟

音稱
赤楊節可作老人杖

栲

俗名五椏子皮葉似椿端午多霧葉上結果謂
之蚊蛤可藥用亦可染青色染店多購之

楔

形似山楸
皮葉青黑

楛

音戶
惡木質鬆

柎

葉白似杏而尖
皮赤桿多彎曲

樑

有紅白二種質堅硬理細
花白材可作車軸

棟

皮色青綠
質直而脆

榆

有刺果小色紅
七月熟可食

栲

有刺果小色黃不可
食材可作薪

柎

有刺皮葉青黑枝桿
多曲果小色黑不可食

枋

俗名玉楊質堅
理細可製器具

榭

樹高大
葉橢圓

質堅細可製器具

棗

有紅刺二種質堅柔
桿長直可作武器

椿

有紅白二種紅者俗名香椿幼芽可
食白者俗名臭椿皮消畜脹

棗

有石棗樹高大如榴
木質堅硬可作佳材

華亭縣志

卷一

物產

竹

小隴山產最多
可編器作簞

穀菽類

稻

三月栽秧八月收本地有秈糯二種
蠶頭鎮道士近試種者收量甚佳

梁

三月望種八月念收近年試種為青紅色
一種收量甚佳可以釀酒惜種者太少

黍

四月望種八月念收有黑黃二種黑者多黏性可釀濁酒
黃者可碾米作飯又有急性一種六十日可收俗謂之糜子

稷

三月穀雨節種八月念收俗名穀子有
黑紅白三種穗如狗尾結子極多碾米

可作粥飯

大麥

今年八月望種來年五月念收有青穎芒麥俄
麥數種磨粉製食品甚多為北民主食

小麥

種收時間同上有紅白二種芒短少俗
稱齊麥作用同上桿可製草帽

蕎麥

五月種九月收有苦甜二種苦者三月種六月收均
紅桿綠葉白花黑子磨粉作食性涼

油麥

三月種六月收磨粉作餅
飯皆宜性多油食少

燕麥

三月種六

月收殼厚子堅飼牲畜可代料豆

玉麥

三月望種八月念收一名秈麥
又曰包穀性平作餅飯益脾

豌豆

二月朔種六月望收有麻白二種可
製澱粉掛粉條為飼驢馬之佳料

蠶豆

三月朔種五月念收一名佛豆
又曰大豆作用與豌豆同
形扁者名懷豆形圓者名
滾豆為飼駱駝主料

扁豆

種收時間及作用同上
冰豆可煮食亦可製粉

小豆

三月種八月收形色
似綠豆煮食性涼

黑豆

三月種八月收

黃豆

三月種八月收
可作醬製豆腐

豇豆

三月種五月合莢嫩食種類甚多有刀豆
菜豆之稱種子有花紅黑白諸色

胡麻

三月種六月收枝桿細小花色
黃白皮可作袋子可榨油

苴麻

二月種七月收桿高皮厚
子可榨油皮可造繩

大麻

三月種八月收一名草麻子
粒大可藥用油和印色不浸

荏子

三月種八月收有黑白二種子
可搾油味香美質量甚輕

天粟

三月種八月收有紅白二種桿高
葉大子細小如罌粟炒之可作糖餅

芝蔴

三月種八月收前無近有山西人陳海
榮試種所產雖佳惜種者甚少

蔬菜類

苾

春種者名春白菜夏種者名冬白菜

蓮花白

春種秋熟長成葉層包裹堅密如球有耐寒性久置不壞作蔬最佳

蔓菁

春夏皆可種俗名青菜可製鹹菜

芷藍

三月種七月熟葉白綠莖球形可作蔬能久置

苳蓮

春種夏熟俗名苳菜莖葉叢生不分可作蔬

蘿葡

春種者夏熟夏種者秋熟有紅白黃綠四種紅黃二色其葉如蒿秋熟者可久置

芹

春夏皆種隨長隨食本地產者色帶紫不佳渠澗有水芹一種幼嫩採食亦美

茄

秋熟果長成即食

菠

春夏秋皆種春種秋熟本地產者

辣

惟菜辣一種有紅白二種野者莖小

苳

春種其子苗長移栽

為多年生草本家菲葉肥厚野菲葉細窄

葱

春種其子夏熟名小葱移栽則長大有紅白二種可久置水澤野生者曰水葱

原苳

春夏皆種隨長隨用漢張騫由西域傳種

苳

苳

亦張騫西域傳種嫩芽作蔬長苗飼畜

蕓薹

春種者夏熟秋種者來年四月熟俗名菜子嫩葉及根可食子可取油

芥

春種秋熟有紫白二種子調菜取油

莧

春夏皆種有紅白二種忌贅肉和食

蒿苳

二月種五月食俗名笋子

蕨

野生山原麥地採食根多澱粉質可以救飢

菌

野生茅荻類

羊芋

二月栽六月食土產有紅白烏三種近來有西洋種甚大可食者為球莖

百合

二月栽種七月成熟球莖色白如蒜多瓣故名土產者有藥味

刺菇

野生

又曰馬蘭虎掌俗名刺椿頭

地耳

野生俗名地輦可食性涼

茨苳

野生嫩葉可食子可救飢

螺菇

野生球莖形如海螺故名可作鹹菜

甜薑

俗名洋薑桿如葵多枝甚高其塊莖無辣味可製鹹菜

華亭縣志

卷一

物產

五十四

葫瓜類

葫蘆

三月種八月熟嫩可食老可貯物

西瓜

三月種七月熟土產不大味亦不佳

黃瓜

三月種五月食一名王瓜老則色黃故名

嫩宜生食

瓠

三月種六月食有圓長二種

脆瓜

三月種六月食子熟則與瓢分離故名離瓜種類甚多

金瓜

三月種八月食老則色紅可觀

木瓜

野生惟子可食七月熟

果實類

梨

三月望花八月熟土產有雞腿梨酸梨二種

桃

二月念花八月熟有家桃水桃山桃三種

杏

二月望花六月熟有甜仁苦仁二種

李

三月望花

六月熟土產紅者皮厚味酸黃者大如芋果八月可食

核桃

四月花八月食土產極佳多肉油

櫻桃

三月花五月熟有紅白二種

花紅

四月花八月熟土產不佳

林檎

四月花八月熟土產甚佳

葡萄

四月花八月熟家者色綠紅野者色黑粒小

桑椹

四月花五月熟色紫可食

酸棗

五月花八月熟土產樹小

核大味酸無肉

觀賞類

梅

多年生木本桿綠有刺花五瓣色紅或黃香濃厚四月開黃者結實紅如瑪瑙珠俗名梅桂子現定梅為國花故首列之

菊

草本有一年生多年生之分花七八月開者有紅黃紫白醬粉紅諸色九月開者有黃紅二色性耐寒有香氣山有藍菊一種花秋開亦香艷悅人

蘭

多年生草本土產有玉蘭板蘭爛葉蘭真珠蘭數種玉蘭葉窄板蘭葉寬爛葉蘭葉爛後始出桿開粉紅花真珠蘭葉稍寬花包可作蔬色皆黃又有

芎蘭一種葉厚窄性韌可作繩履花藍色三四月開俗謂之馬蘭冬多採葉飼羊

萱

多年生草本花五六日開色金黃有香朝開夜合故又名夜合花詩

謂之護草植之濃茂
蕙 多年生草本葉似蘭而窄
幽香玩賞忘憂
花小色黃結果如球
月季 多年生木本桿葉均有刺花重瓣
色紅四季連開俗名月月紅藥用調經

牡丹 多年生木本土產有紅白紫三種花大有香且有單瓣重瓣之分四月開古稱花王近有洋牡丹一種花
大如球色紫紅為多年生塊莖又有合包牡丹一種係盆栽木本花小色紅形似合包故名

芍藥 多年生草本土產有紅白二種花大
有香五月開根藥用古稱花相
紫荊 多年生木本皇甫山有之花大
色雪青有香皮可藥用
葵 一年生草本桿高
葉大頂端一花全形

迎春 多年生木本花繁形小
色黃正月望間即開故名
探

春 多年生木本花小色桃紅
正月開山寨安溝盛產之
玉簪 多年生草本花筒狀
白色有醉香
桂 多年生木本花小色黃有香
八月開近年有盆栽者
水仙

百合 多年生球莖花色金黃莖可食野
生者名卷丹莖食之有藥味
鷄冠 一年生草木花惟頂端一朵隨
長隨開後暫大形如鷄冠故

胭脂 一年生草本花筒狀色紫紅可染胭
脂故名子可作勻面粉故又名粉子花
夾竹桃 多年生木本夏開葉
如竹花如桃故名
鳳仙 一年
生草

金盞 一年生草本花大如錢色
金黃接續繁開子蝟
石竹 多年生草本花大如錢緣有鋸齒色分
紫紅粉紅二種粉紅為近年盆栽藥用

旱蓮 花五瓣色紅黃葉如蓮
而小近年始有盆栽者
海柘榴 多年生木本花葉如柘榴五月開
近年有盆栽供玩賞者
牽牛 一年蔓生草本
花夏秋開有紫

藍蜻 多年生草本花色藍形如蜻蜓故名
俗稱羊奶頭山間產之移植亦佳
牛奶頭 多年生木本花色紅大如錢香
濃厚因風遠送聞之宜人六月

華亭縣志 卷一 物產 五十五

開小隴山有
龍柏 多年生木本花小形似丁香色醬
有香春秋開兩次宮山甚產之
碧桃 多年生木本一名緋桃
花葉似桃而小不結果實
茉莉 多年生
草本俗

名桿杖花亦此類也有紫白紅
三種花筒狀而大藥用調經
蓼 多年生草本產水際花有
紅白二色植亦可觀
蝴蝶梅 花五瓣呈紫白黃三色
形似蝶葉橢圓有微

盆栽者
缺近年始有

藥材類 凡本草及藥性賦所
無者概詳加註釋

大黃當歸川芎羌活獨活黃精大戟馬勃半夏牛膝細辛
丹皮赤芍白芍木賊瞿麥百合黃芪党參烏藥豬苓木通
薄荷地榆紫蘇升麻遠志桔根豆梗防風花椒續斷藜朮
苦參柴胡前胡茴香鬼箭蒼耳黃芩黃蘗地椒黃葯白葯
白芨白薇桃仁蒿瓜枸杞山查蓴蔘茅根花粉杏仁桑皮
連翹乾漆紅花箬耳皂莢射干槐子篇蓄狼毒貫衆藁本

地丁茵陳蚊蛤菸葉紫草荊芥蘆巴即苦黃瓜補肺藿香茜草

一名茅蒐可作絳色染料金銀花佛手參功同麗參穀精草覆盆子萊菔子苒荇子

一名天仙葶麻子透骨草骨碎補牛旁子一名鼠黏子車前子紫荊皮

桑寄生款冬花金櫻子王不留馬兜鈴夏枯草益母草五

味子白芥子旋覆花淫羊藿威靈仙天南星五加皮有藤者根藥用

有刺者芽作蔬地骨皮即枸杞根皮地膚子俗名鐵鵝郎草鵝郎草俗名馬苦苣夜明沙即寒號虫

藁白蘚皮俗名透骨開陽花一名蔓陀蘿華子可戒烟癮花可作迷藥續隨子俗名神仙豆獨脚連即爛葉蘭根形如球可治

疔瘡鐵棒槌反酒治捷傷長龍七燈台七竹根七噶嚙七紅山七祖師

麻均治捷傷洗藥苦蕎頭黃色染料二郎劍治蛇傷鏢頭尖治破傷五爪紅青色染料兔絲子

俗名無娘藤子蒲公英能消瘡毒六月寒搜山虎治蛇咬打傷

華亭縣志

卷一 物產

卉草類

蒲瑞草葉如劍生水際香茅舊志重樓金線三台九莖和柏蒼燃之可避穢惡葦生水澤可編席蓋屋蘆根深難除葉有指甲痕可飼畜

莎桿可作雨笠雨衣根即香附子紅茅桿葉色紅可以蓋屋白茅桿葉色白作用同上毛蠟生水澤葉似蒲蠟可浸油代燭著古人取其莖作占筮蕘

似荻而細荻蘆屬芯俗名水燈芯桿圓而柔可編席狼尾穗如狼尾故名可以飼畜蕘葉穗似狼尾鋪地而短稗雜生穀田間子如粟米

蓬有刺蓬水蓬綿蓬臭蓬駱駝蓬諸種惟刺蓬駱駝蓬富鹹性燒灰掩埋年久可成蓬鹹蒿類名甚多其中有用者為紫白青黃四種白者名薇根可藥用苗可作火

繩青者幼芽名茵陳可藥用紫者桿硬可作燭心黃者桿粗枝大可作柴薪又茼蒿種嫩芽可食苻水芹之屬水生池沼中藻水草總稱形狀不一萍根細如絲葉圓似耳飄浮水面隨水

搖走水綿生水底為綠色網狀成團之細絲

動物

家畜類

馬乾陽之精孕十二月而生騾馬屬股有鎖骨故不生駒驢馬屬孕同牛坤陰之精孕十月生羊兌金之精孕七月生豬

坎水之精犬艮山之精孕三月生貓離火之精孕二月生

野獸類

虎猛獸七月生身有黃黑斑紋豹似虎而小生月同腿短面多白色有白豹黑豹金錢豹之分豺似犬而小身瘦性敏喜攫食猛獸之腸

為水鳥甚小尾有青毛 純火之精有紅嘴鴉烏鴉寒鴉三種紅嘴鴉嘴脚皆紅孝鳥子能反哺烏
形似山鵲雌雄相偕 鴉俗名老烏體全黑性惡專報不祥寒鴉胸白入秋百千成羣啄食田穀為農

家害 鷓鴣 水鳥大如鵝趾間有蹼色 鶉鴝 形如蒼鶉小頭長嘴四趾有蹼頰下 鶉 似鶉色黃
青嘴長胎生沒水取魚 有囊得魚食飽則藏囊中 善擊小鳥

魚類 鱖魚 色青灰形長 鮎魚 形長背青腹白 桃花魚 似魴頭方形 身長有桃花紅點古最
如條無鱗 口小無鱗 多今其種退化甚少

鯽魚 脊黑有鱗腹黃白稍帶金色而形則似鯉
主山鎮麻菴鎮潭水中產之肉味甚美

爬蟲類 蟒 蛇王 有胎生卵生之異 鱉 有壓四足無耳以目聽水棲陸卵所在有浮沫目白口能
無足 蛇 蝮蛇其胎生也 鱉 吐珠者食之長鬚肉和莧菜食則生鱉癰腹有天人八

守宮 似蛇有四足屋生曰守宮又曰蠪蟻壁生曰蠪蟻草生曰蜥蜴
不可食 蟻 蟻蟻形肖蟾蜍者曰蛤蚧因產地變形而異名

兩棲類 蛙 體有青綠黃諸色口闊腹小背麻股長善跳行 蟻 生陂澤中似蛙腹大脚短
鳴聲盛大有蝦蟇田雞水雞之稱肉亦可作食品 皮多黑點咬人成痕 蟾蜍 似蟻
而不跳不鳴嘴邊多痔磊千歲 者頭生角腹有丹書八字

甲殼類 石蠃 土產小如錢無 沼蝦 甚小色青 蝦姑 似蝦 水蝨 小於
腸無黃不可食 殼微 而大 沼蝦

環形類 田螺 似蝸牛而大為營室 蝸牛 陸生螺之小者有蛞蝓附贏蛞 蚯蚓 陸生色紅間有
之精所成水生 輸陵蠶蚶蚶牛瓜牛之稱 白頂者

華亭縣志 卷一 物產 五十八

蠅 水蚯蚓色黑細又蚯蚓有 蠅 蠅蟻曲蟻胸胸土龍地龍蜷 〇
蜜蠶之稱皆二殼無心在土善吟江東人謂之歌女

多足類 蜈蚣 體扁形長有紅黑環 馬陸 體扁形長色灰每 蚰蜒 體圓形長有紅黑
節每環節有足一對 環節有足一對 環節每環節有足

鼠婦 體橢圓而小色灰氣臭每環節有足一對
為缸底之溼生虫食之令人善淫

昆蟲類 蜂 方言有螻蛄蚰蛻之稱穿孔者曰笛師其生活如人類之社會有女王及雄雌工蜂之
別者為蜜蜂一種其他姬蜂殺螟蛉馬蜂螫馬牛長脚蜂沒食子蜂大胡蜂黃蜂皆
害樹及花果綜之均 蟻 蟻之社會組織頗完備女王之下部屬有雄蟻雌蟻兵卒蟻之分其類有飛蟻木
有傳送花粉之益 蟻 蟻黃蟻赤蟻黑蟻白蟻諸種蟻卵曰蚍蜉有翅者曰蟹又曰飛螳赤色者曰

駁螳小螳曰蚌蠶大螳曰蚍蜉馬方言齊魯曰蚍蜉梁益曰元駒燕曰蛾蚌 蝶 有蛇目蝶小灰蝶粉
楚曰封按螳博物志蟻冬居山之陽夏居山之陰蟻穴之下必有水源 蝶 蝶映蝶鳳蝶弄蝶花
紋蝶諸種皆畫性有送 蛾 有天蛾柞蛾蠶蛾蠶蛾天蠶蛾地蠶蛾尺蠖蛾螟虫蛾捲葉蛾
傳花粉之益傷花果之害 穀蛾衣蛾燈蛾之分然皆黃昏性日傾始出害多益少 蠅

爾雅名醜翁方言齊曰羊西陽雜俎曰赤頭者名景迹青者亂色蒼者亂聲 蚊 蚊產卵汚水
且有家蠅青蠅蒼蠅醋蠅狗蠅馬蠅之稱綜之皆為傳染疾病之媒介 蚊 中化生之幼
虫曰子子又曰蠱長翅出水體細吻尖如針昏出吮吸人血小者曰蚋大者曰蚊 虻 一翅一目咬
秦晉曰蚋荆楚曰蚊夏變為童體黑翅大飛來鳴聲喻喻亦能傳染疾病 虻 人甚毒 蝗 色黃
羣飛頭生王字 螭 蝗屬股長善跳 螭 蝗屬有斯螽阜螽等名卵生一脣九十九子詩
食禾害稼 身小傷害田禾 螭 五月斯螽動股又曰螽斯羽萃萃兮即詠此虫也 螭 螭 馬

螭 蝗屬股長善跳 螭 蝗屬有斯螽阜螽等名卵生一脣九十九子詩
身小傷害田禾 螭 五月斯螽動股又曰螽斯羽萃萃兮即詠此虫也 螭 螭 馬

螭 蝗屬股長善跳 螭 蝗屬有斯螽阜螽等名卵生一脣九十九子詩
身小傷害田禾 螭 五月斯螽動股又曰螽斯羽萃萃兮即詠此虫也 螭 螭 馬

螭 蝗屬股長善跳 螭 蝗屬有斯螽阜螽等名卵生一脣九十九子詩
身小傷害田禾 螭 五月斯螽動股又曰螽斯羽萃萃兮即詠此虫也 螭 螭 馬

螭 蝗屬股長善跳 螭 蝗屬有斯螽阜螽等名卵生一脣九十九子詩
身小傷害田禾 螭 五月斯螽動股又曰螽斯羽萃萃兮即詠此虫也 螭 螭 馬

蠕形類

蝨蟲

寄生人畜
腸胃中

蛔蟲

寄生
人胃

蟯蟲

短小寄生
人腹

血絲蟲

寄生人畜
血管

鐵絲

蟲

生水中形狀如線色黑紅堅韌
異常附着畜尾能捆斷之

十二指腸蟲

寄生人十二
指腸中

肝腔蟲

狀如水蛙寄生人畜
肝中則肝受病

蛆

蠅卵初孵
化者

子子

蚊卵在水中初孵化者常倒置
其尾於水上吸放氣體

水蛭

生水中體細長色紅蜷曲
浮游俗名蚂蝗能鑽入人腿

化石類

龍骨

產無定地常從土山
或岩石中崩出

魚石

產尚武村南山諸溝水成石黏板岩層中魚形似鯉鱗
鱗頭眼活印石上有黑紅白金諸色者攷地質學係古

生代泥盆紀魚類之化石
今此魚華已絕種

沙柳石

產新店村轟家溝水成石岩層中
其石塊上沙柳樹紋枝葉宛然

苔蘚石

產紅山鎮長
溝山水成石

岩層中其石塊現下
等植物之苔蘚花紋

工藝物

土瓷

產二區窑鎮分黃
紅黑白四種

砂瓷

產地同上有砂鍋砂罐砂盤砂
煖鍋砂火盆砂火爐等

琉璃瓷

產地同上有
鸚哥花瓶茶

鐘茶壺水盒酒杯
香爐蓋碗等

宜興瓷

產地同上有茶壺
茶杯酒杯花瓶等

半細瓷

產地同上有大小碗碟花瓶
唾盂花盆酒瓶口罐等

乾泥

瓷

產地同上有附鍋煨罐
茶罐等

瓦瓷

各處皆產有甕
瓦花盆等

鐵器

刀鋤
鏟鏟

銅器

鍋罐
盆勺

石器

磨碾碌
礮石条

木器

桌橙箱櫃
簸箕

竹器

箒籠
筐篩

華亭縣志

卷一

物產

據徐仙台採訪華亭瓷器二千年前製燒實在硯峽鎮後因
陶土缺乏遂移瓷廠於二區紅山鎮楊家溝硯峽鎮之瓷廠
從此遂歇故至今尚有在土中掘出瓷缸可証據張玉軒採
訪二區瓷廠起初創辦在楊家溝今是溝河畔常發現瓷籠
瓷渣灰屑等物即其確證自清道光白蓮教亂後始移楊家
溝瓷廠於窑頭鎮蓋以楊家溝近於用炭窑頭鎮近於用泥
黝也考百年以前楊家溝瓷廠僅燒黃紅黑三色土瓷然皆
係盆碗罐碟小器而大瓷缸則為清同治回亂後祁文玉梁
國華所創燒至今因之六七十年來並無推陳出新之人又
光緒初年有張正元者在長溝嶺因採黃黝而得白黝專製

白瓷享利多年死始傳人是為創燒白色土瓷之始但此時之白瓷尚無花彩迄光緒中葉有陝西耀州瓷工路有才崔大漢者始創紅石漿繪彩白瓷之法亦可謂白瓷之進化第一步至民國二年有河南瓷工汪如海山西陽城瓷工范志昌陳羣陽諸人精製陶土白黝加以汪振懋等之提倡湊資購買豫州天津上海細瓷石藍色料繪以花彩燒成半細藍花白瓷是為白瓷進化之第二步近年兵匪交困需用價昂業瓷廠十九倒閉製造之半細瓷缺乏資本良工所出蓋遠不及初創矣

乾泥瓷前無民國三年有涇川人張得福始創燒於窰鎮

琉璃瓷宜興瓷亦前無民國四年有河南瓷工汪如海弟兄二人始創燒於窰鎮今亦銷路漸廣真瓷業進化之增出品也

古蹟

附金石名
勝陵墓

軒轅寓 在下關西北殿灣軒轅黃帝問道崆峒歷吳岳由隴坻南來曾駐蹕於此

夏禹疏鑿之蹟 山寨東之野狐峽及馬嘴峽縣城東之雨儀峽安口峴東之五龍山峽皆斷崖削壁舊志謂均有神禹疏鑿之蹟城東合潭北岸高台荆榛中多遺瓦礫相傳為昔報功神禹之廟址

商都廬山 在平涼縣西二十里頁河子南一名苛藍山方輿

紀要又名可藍山劉宋元嘉六年夏主赫連定為魏所敗南走平涼畋於陰槃陰槃在漢為縣在唐為潘原城即今平涼縣東四十里鋪又登都盧山北望統萬城都盧山西南接崆峒東南隔涇水與大統山相對峙山勢亦甚高峻今訛稱都督山土人立廟祀關西都督宇文泰舊志謂都盧山在縣界西北三十里考華亭前代疆域北抵蕭關今則疆域縮小比之前代相距百六七十里矣

商盧國城 舊志謂城在縣西北三十里都盧山下周秦漢晉皆因之後魏移併靈台縣盧國城遂廢今則僅存遺址考城制周天子周城諸侯軒城漢天子崇城諸侯干城盧國在商

周為侯封其城殆干城軒城之類歟

周溥原 詩周頌公劉芮鞠之即瞻彼溥原後名廣原又曰支磨原唐尉遲恭敬德破突厥郭子儀破吐蕃皆駐重兵於此後李元謨開屯田千頃始更名良原今因之屬靈台縣唐宋時均屬華亭

秦義渠戎西南地 為華亭舊疆化平蕭關一帶之地

秦赤城 秦始皇畋獵於此築城駐蹕以土赤故名宋屬華亭今屬崇信在遠門川東五十里

漢朝那城 漢初割涇陽縣西南之地因盧國故城置朝那縣屬安定郡平涼蕭關化平華亭諸地皆屬之後漢因之後魏

移併縣東二百里之靈台縣後周屬涇州隋大業間復屬安定郡唐大曆六年吐蕃下青石嶺侵朝那宋義寧初廢之括地志其城在百泉西北七十里方輿紀要在百泉縣西南七十里元和志在縣西四十里胡三省云在固原花石川明一統志在平涼府東南城之所在歷年既久其說多不一致

漢瓦亭砦 在化平縣西北八十里瓦亭山為控隴要塞東漢建武八年隗囂命牛邯守之靈帝時段熲又破東羌於此東晉大元十二年前秦苻堅使苻登駐軍於此並北據胡空堡以制姚萇宋與砦北蕭關同為防夏重地建炎四年金人陷涇原經略使劉錡退屯瓦亭然此瓦亭實東瓦亭若唐貞元

二年踰隴山觀牧馬於瓦亭肅宗幸靈武牧馬於瓦亭實又秦安之西瓦亭也東瓦亭金為瓦亭寨元明清初為遞運驛屬華亭乾隆時始割屬固原

漢皇甫山居 在城西皇甫山麓

漢九曲池 為皇甫別墅在華尖山陰北汭之北曲形九折蒔荷養魚建亭消暑盛夏蓮開文人學士蕩舟賞心為時佳境今則僅存遺址矣

漢聚糧坪 東漢伏波將軍馬援西征隗囂屯糧於此在六盤山東或以為即今和尚舖東山堡蒿店等處未知孰是

東晉鶉陰城 前秦苻堅所築北齊魏收志鶉陰有瓦亭關

在瓦亭川之首鶉陰城當川之下流舊志亦華亭屬地
東晉黃石固 在化平縣北黃花川後秦姚萇所築夏主赫連
夏於此置長城護軍使後魏因之置長城郡改黃石固為黃
石縣西魏復名長城縣隋初縣廢地屬原州大業間屬百泉
唐復屬原州宋屬渭州元明清初為黃石河鎮屬華亭舊志
謂有銅鐵塩茶等場今則惟産蔓茶一種土人猶南販焉
東晉爛柯山 馬嘴峽西南有爛柯山土人相傳為王家峽口
人入山採薪觀二奇老圍棋爛柯處
北魏百泉城 在化平縣南白岩河川河之上游有笄頭山涇
源出焉笄頭右左土石小山之下清泉百數湧列如星名曰

百泉南北朝屬平涼郡隋大業初始更城名曰百泉城定為
縣治唐屬儀州貞元二年吐蕃與渾瑊盟於平涼韓瑗奉詔
屯軍洛口以五百騎伏城營側令曰吐蕃有變可西趨百泉
以分其勢宋屬渭州金大定七年併入化平元明清初屬華
亭舊城遺址猶有存者詩周頌視彼百泉即此地也

隋華尖山亭 在城西華尖山麓煬帝大業初因後魏亭址重
新改建縣名因之今廢

唐儀州城 後魏時築東西長約三里南北寬約一里其城南
臨汭水北抱華尖西止陳溝東連今城三方遺址宛然在目
唐大震關 在化平縣西北考唐天寶十五年玄宗幸蜀安祿山

遣其將以繒綵誘河隴將士大震關使郭英義擒斬之代宗
廣德元年冬十一月吐蕃入大震關據河西隴右之地又大
曆三年秋八月吐蕃寇靈武鳳翔節度使李抱真遣其將李
晟將兵五千擊之晟選精銳千人出大震關至臨洮屠吐蕃
定秦堡以解其圍宋仁宗慶曆間改名制勝關屬原州管沿
山小砦五十餘處熙寧五年改關地為安化縣後降為鎮分
屬渭州金元明因之清初省屬華亭

唐儀州官署 在今西城外唐塔之西

唐胭脂川 在化平縣北川水東流入涇唐屬華亭今距華亭
百五十里矣

唐屯城 在縣東六十里汭峽之東唐武康王李元諒防吐蕃
所築宋陝西漕臣張奎採義州銅鑛置博濟監於此故又更
名銅城舊屬華亭今屬崇信

唐支磨原 考代宗大曆八年吐蕃掠潘原城西至小石門百
草川又下朝那川百里城由支磨原而入華亭郭子儀遣渾
瑊破走之舊志支磨原蓋指唐神策軍汎地而言清知縣汪
宗瀚以為即今縣西之磨坪川今考通鑑實靈台縣西之良
原良原為李元謨屯田之改名按斯時吐蕃入朝那寇涇邠
郭子儀遣其將渾瑊將步騎五千與拒戰於宜祿宜祿即今
邠州宿將史抗等不用命唐兵大敗渾瑊請罪子儀赦之使

將兵趨朝那躡其後塩州刺史李國臣恐虜乘勝掠汧隴犯
畿輔乃引兵趨秦原鳴鼓而西虜聞之至百里城返渾城邀
於隘盡得其所掠遂由支磨原西遁經遠門川掠華亭而去
唐鷗窩峽 在縣東北七十里舊志為華亭與平涼接壤之地
峽水北流折向東北即易名為太岔河全峽長約二十餘里
南北兩壁石峯插天崖間多鷗鳥居之
唐彈箏峽 舊志屬華亭一名金佛峽以崖穴塑三金佛故名
其峽長二十里在瓦亭砦東十五里兩山壁立峽勢險窄水
從中流觸石箏箏有聲如彈箏然今割屬固原有清董少保
碑及諸名人石刻

唐火燄山鬼門關 在蓮花台東

唐石香爐峽 在縣西北四十里或以為即山寨鎮東之野狐峽

唐松子峽 在石香爐峽北二十里或以為即新店鎮北之月

明溝

唐折刀原 紅山鎮陰窪塢對岸公地一段形如大刀柄與刃
尖俱全土人稱為大刀坪相傳唐征吐蕃時有將折刀於此
亦奇徵也

唐紅山紅窟 在紅山鎮西紅石峯唐時土人懼吐蕃之擾就
石峯崖壁鑿窟三十有二以避亂鎮名始因之而起

後周東郭縣署 東郭為後周所築縣署亦移置其中今郭僅

存遺址縣署無知其地者

宋孟良城 在馬峽鎮西小隴山頂山腰有飲馬池極大城下西北半山有台名曰瞭馬台又有大教場土人相傳城為宋楊延昭部將孟良在此屯軍牧馬防西夏所築今僅存遺址

宋安化城 在化平縣西二里許宋初置屬渭州金改置化平縣元明清初均屬華亭今為化平縣屬地

宋六盤山 在瓦亭關西二十里上經六盤始至其巔宋紹定三年元太祖鐵木真崩此元明清初屬華亭今屬隆德

宋香水店 在化平縣西北崖間湧香狀鹹水一脈居民注之為泉煮塩和食地亦因之得名

宋銅廠 在縣西南三角城宋慶曆四年陝西漕運使張奎採儀州三角城黃銅鑛置博濟監於崇信縣西之銅城以供冶鑄

宋乾海子 主山鎮朝那湫北地勢凹然如海土人相傳朝那湫宋前在此至北宋末季湫池竟移於南石磊山上山北之舊湫遂涸乾海子之名從此始立

金化平縣 在安化城東二里許金大定七年築化平城成則宋安化城廢縣治亦移元明清初省屬華亭光緒初年左宗棠因其城完好分置化平廳屬平涼府

金華亭縣署 在西北新城大定二年建明洪武初重修清初廢移建中街

元清暑樓 在六盤山元貞十二年安西王所建今廢
元幹朝耳朵 在瓦亭關西北二十里為元安西王屯兵處
明聖女里 在化平縣南今名聖女川
明赤岩鎮 在縣南六十里今屬陝西隴縣鐵馬河火燒寨皆
其鎮地也

明白岩鎮 在縣西北百二十里今屬化平縣俗稱白岩河
明見子崖 在紅山鎮西南四里土人相傳有某名人失子數
年於此見之因以為名今俗稱見子河

明朝陽樓 在壩頭鎮安口岷土人稱為雲中仙樓以其地高
樓有時或隱雲中雲氣收斂樓輒於雲中現出樓壁古多名

人題詩惜樓廢詩無記錄之者

明三鄉關 三鄉關為華崇隴三縣屬地又稱為三鄉鎮即今
之上下兩關明稱上關為上三鄉關下關為下三鄉關
明行臺察院 為行臺長官駐車之所清初改為儀山書院光
緒三十二年改為高等小學堂今新城一高新校告成移城
內第一初校於其中

明楊思道山居 先居縣西仙姑山南之楊家庄後居縣南武
村堡之楊家台

明趙浚谷山居 在縣東北十五里硯峽鎮

明惠民渠 明嘉靖乙卯歲自夏徂秋大旱不雨知縣王官訪

趙浚谷先生籌畫水利浚谷為之擘畫地形與王令率胥役七十人出西門抵仙姑川萃石遏洩俾上流之東者北之復循蹊徑過上亭廟入官路鑿路之半為渠過辛張趙三氏之庄凡五里其流瀟平川田皆可灌溉又東流三里至故儀州城西之齊溝緣溝西岸北折而東始入故儀城過唐塔至今縣城西門之北地勢漸高流亦漸峻以四石槽導之入城經城隍廟縣署之前放之學宮注之泮水又引出東門以溉東郊園田役不浹旬而邑人獲數百頃之水利以舒旱因名其渠曰惠民並刻圖撰記於碑以志永久而今則惜乎廢矣

明燬淫祠 縣城西門外唐塔西之禪國院紅山鎮見子崖西

北之佛爺崖楊家溝陰之涼泉寺四條鎮什字路之鴻濛寺上關南隴縣所屬之石櫃山寺皆因僧道不法搶誘民間婦女嘉靖間事發勅旨火化今其遺跡猶有存者

明洪化街 在下關西北十里之殿灣古官路從此經過

明狀元碑 在龍眼鎮西華觀西名出明趙浚谷惠民渠記碑陰圖清同治回亂碑石沒滅狀元朝代姓名無考今謹依浚谷惠民渠圖記暫載明蹟之末

明東橋渡 在雨儀峽東常家庄南明就天然岸石峽水窄處架梁置板為橋以便行旅紅山鎮因名東橋里今橋雖廢而天然石岸猶存如故

明磐石門 在王天鎮東街明萬曆二十四年王姓專建
清新城 在城內西北隅清順治時知縣楊榮胤建東垣遺跡
今猶巍然南則僅餘高坎西北兩面皆因故城統計面積大
約六十餘畝

清獨醉亭 在今教育局後圃清乾隆五十三年教諭趙先甲
自娛所建今廢

清大戰場 城西仙姑川為清同治五年雷正綰所率張蕭王
黃軍七十營與回匪馮阿訇等所率十八大營鏖兵戰場山
寨東南之木頭嶺為是年秋八月二十日夜回匪潰圍北遁
統領張在山喪師三營之戰場縣城河南花園子及城東北

之無量廟清真寺城東之春厰等處皆雷軍屯營處其他紅
山鎮之縣坡嶺高山堡之王家山皆防勇官兵民團與回匪
交戰失敗之地華民所當痛悼紀念者也

清豐台 在城東南王母山為清乾隆時教諭趙先甲見巽方
文筆峯太低因築土塔以增高名曰豐台今猶屹立曾無少損
清耐窮亭 在紅山鎮南嶺八方廟西灣為清光緒時邑人歷
任循化武都教諭陳輔周自娛明志所建今廢僅存遺址
民國飛龍峽 在珍林村椿林寺後民國三年八月十五日峽
之西崖因天大雷雨大吼崩裂壁立當峽中空如屋有龍向
東山飛去人於電光閃爍中見其真象長約五六丈大約如

甕馬頭蛇尾徧身五彩鱗甲金光四射騰空而去翌日峽水為崩崖所阻聚而成潭余主講城內一高聞其異親往游觀見崩崖石上鑛質燦爛曾敲取數塊以作研究鑛學之標本並令該地民衆挖放積水免藏異物致生危險

民國臨汭樓 在縣南二十里武村堡東街口民國十三年幸

國麟霖建取下臨汭水之意

民國望華樓 在縣南二十里武村堡西街口民國十三年幸

國麟霖建取北望華亭之意

附金石

華亭邊地歷代多亂金石古物殘毀者多遺存者少僅據採訪

所得略志如左

金類

縣關岳廟鐵醮爐一座六層下層十二相虎頭六足中層十八

羅漢像上層置大爐一箇口周丈餘明萬曆庚申年造

又鐵獅子背載鐵醮爐一座口周六尺

又鐵鐘一口高六尺口周一丈四尺明嘉靖十七年知縣賈

鎧教諭王廷弼造

縣城隍廟鐵醮爐一座十層其形如鼎下層虎頭六足中層人

物鳥獸上層獅子頂爐明萬曆十四年八月造

又鐵香爐一座口橫二尺縱一尺四寸明嘉靖十六年十月造

又鐵香爐一座口橫二尺縱一尺明嘉靖二十五年造
又鐵磬一口周大六尺明天啟四年春造

又鐵鐘一口高四尺口周一丈六尺明隆慶四年三月造

又唐塔上遺下鐵羅漢四尊唐開元間造今遺去一尊

窰頭鎮關帝廟鐵圍杆一對下座鐵獅子上杆高三丈六尺盤

繞鐵龍有鐵斗二層斗各四旂清道光戊子年三月造

又鐵鐘一口重七百斤清雍正二年造

窰頭鎮興隆寺鐵鐘一口重六百斤清康熙四十三年造

窰頭鎮興善寺鐵鐘一口重六百斤明天啟二年造

紅山鎮雲台寺鐵鐘一口重七百斤清乾隆三十五年造

又鐵醮爐一座清咸豐元年造

又鐵礮三尊清咸豐二年造

下關村關帝廟鐵鐘一口重六百斤清道光間造

高山村龍王廟鐵鐘一口重六百斤明萬曆間造

下關村三官殿鐵鐘一口重七百斤明弘化間造

珍林村椿林寺鐵鐘一口重六百斤明萬曆間造

四條鎮青林觀鐵鐘一口重七百斤明萬曆間造

什字路洪濛寺鐵鐘一口重七百斤明天啟間造

王天鎮朝陽寺鐵鐘一口重六百斤明萬曆間造

王天鎮玄峰山鐵鐘一口重四百斤明萬曆二十四年造

上關街北朝陽觀鐵鐘一口重六百斤明萬曆間造
馬峽鎮靈湫寺鐵鐘一口重六百斤清乾隆十六年造
馬峽鎮關帝廟鐵鐘一口重六百斤清乾隆十六年造
柴坻鎮蛟龍寺鐵鐘一口重七百餘斤清乾隆六十年造
硯峽鎮翠峰山寺鐵鐘一口重六百斤明萬曆十二年造
新店鎮青龍寺鐵鐘一口重七百斤明萬曆四十年造
四條鎮普陀里朝陽寺鐵鐘一口重七百斤又有銅鑄神像一尊造年無考
龍眼鎮街西財神廟院何仙姑鐵碑二座高五尺寬二尺清道光間造

石類

唐燕公張說錢本草行書皮日休座中銘楷書石碑一方從土中掘出存圖書館
明趙時春惠民渠圖記碑一座鑲縣政府 門墻壁
明趙時春與諸名宿會讌王母峰七言古風詩碑一方存圖書館
明天啟時山西蔚州知州太原府推官邑人賈師謙撰重修
文廟記碑一座置戟門外西側
明宣德時工部侍郎邑人楊謚撰重修
文廟記碑一座置戟門外東側
明趙時春朝那廟記碑一座置縣北十五里廟兒嶺朝那寺

明兵部侍郎邑人楊謚墓誌詩碑一座在仙姑山南楊家溝
清乾隆知縣楊榮胤重修儀山書院記碑一座置舊高校照牆下
清道光間下關三鄉鎮屯頭堡禁賭博游丐青石碑一座置廟
院前門
清光緒知縣王南薰初修縣署倉廩記碑一座置縣政府二門
外西側

清宣統知縣汪宗瀚去思碑一座鑲縣政府二門東墻
附名勝

仙姑山趙先甲遊記謂其突然起於西川之中空所倚傍葉逸
凡遊記謂山以仙名嫌其物外據屹然獨立飄渺凌空之概

欲以卓爾易其名余一再往游以其山有鯨魚跋浪昂頭吐
氣之狀魚頭向東而魚尾實在其西鰓鰓宛然九秋登臨白
雲黃葉青崖碧波平疇烟村儀城唐塔皆收攬於遊人襟懷
之間足化抑鬱而蕩塵垢高世之思亦油然而生故不僅古
刹仙居翠柏鷺棲之為勝也

海龍山在縣西南穿水碾峽越林即至為山坳一大梵宇不與
市鎮相接逐寺有海龍聖母祠面壑背山獻殿樂樓僧舍俱
備其地綠鳥紅雀茅屋石泉竹樹茂密花草芬芳遊其境別
饒世外佳趣讀其碑每動仙神奇想人以寺觀聳立峯巒為
勝余謂其勝不在峯巒而在峯巒南崖絕壁之龍洞洞前為

窿然透光之石窟窟壁為蛇紋岩所成其頂石稜叅差倒懸欲墜仰而望之令人生畏右壁之下有水緩流瀉於幽澗澗中石塊狼藉父老相傳為朱明開採銀鑛所遺然其窟尤非勝也勝在窟之內洞欲入則冥黑深渺轟然發聲如聞雷鳴非携燈燭莫敢躡足入之則洞有三潭連如串珠水深難測湛湛流出石窟者即此澤也三潭各架單木為橋渡之水波淹浮足戰心搖驚惕恐墜除天旱祈雨外人無妄遊洞中者據祈雨者言三潭之底有石蓮花水波與燈光蕩漾時亦能乍見其形過三潭則海龍聖母坐化之真身在焉其勝也實在乎奇險土人咸謂其潭俱有神龍能興雲雨聖母司之故

以為名云

蓮花台分上下兩寺下寺以險峻勝莊浪主之上寺以環抱勝華亭主之兩寺相隔不過四五里中以小石梁為界山下寺有靈官八仙玉皇三清老君五台層層直上宛如登天惟靈官台與八仙台以罅隙崖間之非有板橋欄杆則人不能高攀亦不敢下視五台之南面向西北有台峭出於崇高馮虛之峯者為香山寺寺有觀音廟及道房數楹花草幽香禪院清爽憩止凝眸羣山萬壑竹樹烟雲皆在望中是下寺不獨以險峻勝且以窮高極廣勝也上寺右峯屹立於深壑之中者為蓮花石石倚老柏高聳如塔巔有石塊寬可盈丈厚可

及尋如蓮蓬如人置俯石下瞰為百丈懸崖水聲湯湯臨之
暈栗石背以廟互相倚傍竹木蒨葱四周圍繞坐石拈花南
望左壁環抱如箕則祖師千佛靈官諸殿及禪堂客舍在焉
最異者清厨之內有清泉湧出就石鑿池注之盈盈不減不
洩足飲百人是上寺不獨以環抱勝且更以泉石勝也今為
鳥瞰之筆特記兩寺之狀至於陪勝尤指不勝屈姑畧之以
俟遊賞君子親尋焉

雲崖寺在主山鎮雲崖山西壁崖皆赤石有洞三層井然有序
初始者為唐尉遲恭敬德洞皆有石梯可達梯之兩旁垂以
鐵練登者非攀此蓋不敢上也中層為玉皇洞左右為藥王

洞送子娘娘洞上層為釋迦佛洞右為觀音洞左為五方佛
洞洞前有欄杆可凭之以俯視下層下層之底有殿宇四座
山崖及洞嘗有雲氣飄渺與赤石綠樹互相掩映烟消日出
則仙洞畢見其勝也遊者當於烟雲變化間求之不當於石
梯叅差石洞羅列間求之也惜此勝境雖經明萬曆十二年
李宗羲左廷相二次重修置有祀田五十畝以備經紀而今
則殘廢不堪言狀矣

腰崖寺在馬峽鎮河北東二里許大石山崖間崖高百丈寬五
六百丈崖腰有台如刀截崖台有洞悉為石窟極東一窟自
下而上架木為梯入之似登重樓窟中宏濶回匪之亂民嘗

藏糧避難於其間名之曰藏穀洞洞西高台形勢彎環石嘴障遮藤蘿纏繞上帝祠藥王廟子孫宮雷祖殿觀音閣皆在焉入秋登臨其上東望馬峽爛柯神禹疏鑿之迹王質觀棋之所巍峩在目南望萬子馬廠車溝流水清音義州防夏眺戍高深當前西望劉店孟台古鎮山村白雲紅葉封鎖隴阪倚巘酌酒瞰汭賦詩今人笑傲羲皇醉思桓孟其勝頗饒曠遠之樂兼高廣之趣也遊賞者烏可不具眼識而忽諸主林寺在主山鎮明初為靜寧縣屬地永樂間勅封張三丰於此隆慶間該地人民獻其名勝於平涼韓藩清順治間撥歸華亭寺分中東南西北五台中台一峯巍峩峻極高聳雲表

梵宮僧舍雕欄傑閣掩覆崖間絕頂一亭登之可下瞰洛水前窺龍山加以奇峯秀嶺赤壁丹崖翠柏蒼松修竹卉草般般點綴無美不收四台諸山為之陪輔稱為主山誰曰不宜主山之東有山蹲起如獅名觀音山筆華玉柱二峯輔之傍開石徑如楔為寺東門是為東台主山之南有秀拔高峯崖壁如削石磴如梯非此蓋莫能上以觀山寺之勝是為南台主山之西有羅漢崖盤踞起伏瑰嶇峭岬旁鑿石洞為寺西門是為西台主山之北有三疊雲崖高插天際崖下殿宇輝煌雨不能及石徑槎橋足供尋勝是為北台中台之西有竹枝峯最為奇特其峯如門如架峯下有寺有潭峯間滴水注

成深淵鯽魚躍游山中佳境無愈此者中台左崖有白雲洞為宋僧法印所鑿時出白雲迷離山谷明都御史胡纘宗遊之稱為主山丹穴洵非虛語噫嘻主山高深幽秀瑰奇險峻在華亭諸名勝中可謂得游賞之全者也而安可不志玄鳳山唐名玄峰山取山峰玄妙之義今名玄鳳山取山如翥鳳之象民國己巳重九余欲游而未果冬十月朔修山住持李萬興來謂山下澗南有大石橫陳寬可盈丈厚可七尺鐫字模糊名無能名因錫名曰太玄磯前明就石架橋橋之兩旁鑿鐵欄杆因錫名曰會仙橋磯橋之左有青龍潭水深七八尺磯橋之右有黃龍潭水深五六尺故橋無欄杆則渡者

見潭水綠藍不免生畏今橋梁雖壞而磯潭則猶存登山者架木磯下以渡之會仙橋之名亦未之或改二潭天旱祈禱雨澤立降是為山下之第一勝境過橋循峽西行有丹穴焉穴中有鳳卵石半面突出圓大如抱李住持居之再西行有飲鳳泉為山間瀘水所注是為山下之第二勝境過橋登山經九道彎十八盤越三上馬台始達黑虎殿其殿側崖石之上有古石刻玄峰山三大字台東為靈官岩岩彎青松怪石畫工難繪百鳥雲集俗稱百鳥朝鳳處是為山間之第三勝境台西為五道彎彎上有西窩溝為華亭南泮之支源西窩溝西南為鳳凰巢巢中大石甚多突出圓形如一窩鳳卵巢

南崖間舊有觀音廟廟下湧出丹水一脈紅流數里是為山間之第四勝境越靈官殿再有天生青獅白象二石守護山門是為山間之第五勝境山門內為鳳凰腰立有清雍正三年石碑再進則為大寺玉皇藥王靈官子孫觀音諸殿在焉藥王殿前有大盤楊一株玩之形甚奇古無異虬龍殿右有鐘樓一座懸從土中掘出之透明神鐘一口擊之聲聞十里是為山中之第六勝境從觀音閣穿過上望崖間有慈雲洞祀黎山老母由慈雲洞下曲折西行二百步有明月崖及蟾光洞崖上月石瑩白圓大如節周圍石色蒼黃如霧每值中秋天空月光與崖上月光互相映輝照澈洞中叅禪人危

坐蒲團居然廣寒仙子無怪乎唐有金仙證果於此也是為山間之第七勝境蟾光洞上為鳳凰頭建無量祖師廟廟之後面為小石梁青松圍繞石梁正中突起一大方石寬約八尺上建王母宮盛夏憩此松風搖林鳥韻盈耳清興自足是為山間之第八勝境正殿之右為白虎山上有八仙台高出正殿數百丈台周蒼松林立翠竹圍繞台上有松樺交枝樹一株大可合抱最為奇特登之無異在天是為山頂之第九勝境正殿之左為青龍山竹樹蒨蔥花草怪異山腰有川主廟山嘴有太白殿山頭有混元宮亦高出正殿數百丈皆為傾圮未建之遺跡觀之猶令人想見古昔初修此山之盛也

是為山上之第十勝境夫以上勝境蓋皆就其近者言之也
若在山頂遠望東觀朝曦合汭則高山流水俱在目前西瞰
蓮台碾盤則蒲塘麻菴皆在足底北瞻柳林五台則磅礴開
豁堪暢襟懷南眺龍門景福則仙峰遙峙盡收眼簾其高廣
之勝斷非蓮花海龍之幽深所可及也世之好游名山者讀
玄鳳山記能不思勝境而興起乎

附陵墓

漢度遼將軍槐里侯皇甫規墓 在縣北川九龍鎮范家庄人犯之不祥
唐三烈女墓 在紅山鎮南來往山為唐時該地三烈女遇匪
不辱被害所葬墓雖為三底實為一雁行並列如三小峰二

十里外即望見之貞烈之骨埋之千餘年竟自長成奇峰而
不陷沒令人欽佩不置

宋進士樞密承旨郭執中墓

在龍眼鎮陵圩庄與鄧家庄連界處

宋防西夏裨將孟良墓

土人相傳在西隴山孟家台西北

明開平王常遇春疑塚

在紅山鎮東峽常家庄東墓前有石

豬石羊但無碑記人不敢犯考遇春為江南懷遠人恐係疑塚

明戶部侍郎楊諶墓

在仙姑山南楊家溝有古柏碑記

明進士吏科給侍中張維新墓

在皇甫山蔣家塢

明翰林苑庶吉士大明府檢校劉時中墓

在雙鳳山北與仙

姑山對照有趙時春書碑誌銘

